



09994

大泌山房集卷之二百二十四

京山李維楨本寧著

關侯祠鼎銘

有序

凡祠必有祭器侯祠成工請器所宜按易鼎象也昭烈
 任武鄉侯為相侯與西鄉侯為將用能稱帝于蜀抗衡
 魏吳延漢祚四十餘年皆有鼎之象焉故取諸鼎工請
 財所用按漢書律度量衡用銅以同天下齊風俗也銅
 為物至精不為燥濕寒暑變節不為風雨曝露改形似
 士君子之行侯志在一天下節行可質神明故取諸
 銅工請製所做按博古圖漢有汾鼎鼎一而款識三曰
 大泌山房集 卷之一百二十四 銘 一

汾陰宮曰汾陰供官銅鼎曰平陽一斗鼎文各有義漢
 初定鼎長安光復洛陽建安之季足折餼覆矣侯起而
 扶持奠安之有死無二故取諸漢漢地理志河東郡屬
 縣為汾陰為平陽侯河東解人解于今隸平陽府窺而
 有知能無故鄉故物之思乎故取諸汾工請志所始按
 禮鼎有銘銘曰三足承象厥功百鍊剛旌厥忠漢故主
 汾故宮神之掄臨河東右鄉人福攸同

迎澤橋銘

有序

晉城左仰而右下東北城址俯視西南樓櫓若高屋建
 瓴水也城三面惟南郭數千家之市市有少城所部東

南諸名城大都冠蓋輪蹄輻輳不絕南門樓曰迎澤下有木橋當兩城間歲久圯毀溝澮水注隍中没人咫尺邈若河漢樵蘇不入細民無所舉火魏中丞李公檄治橋易木爲石無憚一勞小費務垂久遠某時攝守巡兩道事與叅戎劉君國光閫帥謝君極王君世卿太原守關君廷訪丞董君大化成龍倅陳君鉉曲陽尹梁君之垣簡兩營之伍士與邑健兒備邊番休者庀財分職左右先積土障流水且以通行人然後鑿深築堅以次層累而上爲三門其上平如砥欄楯翼之脩百有三尺廣二十有五尺高十有五尺而羸石蓄深三之一閱四月

而憲使孫君承榮還治率作訖工以覆中丞名之曰迎澤因其門云徒杠輿梁古爲王政今著於律卽窮鄉下邑莫不宜然矧茲都會近在几席勢據喉舌者哉前人因陋就簡迨極敝壞而後圖之甚矣舉事之難也中丞撫晉功所宜紀太常考景鐘垂青簡者何限茲役雖細要以革故鼎新非一手一足之爲烈矣諸執事以某與聞未議使志其故勒石樹闥閤中用詔後人銘曰城則有隍隍則有梁此物此志聖作金湯河山表裏故都晉陽南面而治萬邦之方石梁翼翼示我周行如虹斯帶如漢斯章徽哉猗猗匏涉葦杭靡揭靡厲靡漸惟裳日

之出入作息有常來者熙熙往者穰穰雨何滢淫水何
蜡坊劇駮崇期綰轂厥亢湯池增深金城增強善建不
拔其德乃長維石具瞻令問令望永言保之敢告司防

古澹齋銘

容成大庭伯皇中央人貌而天鳥行無彰常常純純乃
比于狂是爲上古其事忽荒猗帝氏流孰能不波餘食
贅行亦孔之多凜淳散樸亦孔之叱何以反古維澹匪
他太羹腥魚燔黍押豚玄酒明水杯飲汗尊澗沚之毛
蘊藻蘋蘩腹旣果然五味何煩苟簡之田不貸之圃逍
遙之墟是宅是處無爲名尸無爲謀府無爲事任無爲
知至左據槁木右據槁枝有象皆易有聲皆詩來者不
拒去任所之其寢不夢其寃不疲北北宮奢南南榮越
西西鄉曹東東門吳作我四鄰德必不孤澹哉澹哉與
古爲徒

妙啓齋銘

治天事人道莫如嗇少私寡欲是以聖人被褐懷玉是
以聖人爲腹不爲目是以早服致虛極守靜篤質真若
渝太白若辱猶兮若畏四隣曠兮其若谷澹兮其若海
敦兮其若樸萬物並作吾以觀其復其猶橐籥乎虛而
不屈動而愈出是謂深根固柢長生久視之道故知足

之足常足

右集老

無勞汝形無搖汝精無使汝思慮營營無以故滅命無以得殉名緣督以爲經得其環中以隨成修胷中之誠以慮天地之情胷中則正正則靜靜則明彷徨乎憑闕天地爲合合喙鳴肌膚若冰雪淖約若處子官知止而神欲行風與日相與守河而河以爲未始其攬可以保身可以盡年乃可以長生

右集莊

夷白亭銘

道胡不容胡紛而封往來憧憧成規成矩若龍若虎似子似父大儒小儒發冢解襦競取口珠以隸相尊連我

大泌山房集

卷之一百二十四

銘

四

者緡遠我者昏堅則毀矣銳則挫矣盍緣督矣於蟻弃知於羊弃意於魚弃計應而不藏不迎不將勝物不傷瞻彼闕者炊累野馬達于上下無知無欲徹志之勃朝徹見獨十仞之臺衆間縣開天門蕩哉胞有重閭以發天光止止吉祥忘年忘義何徑何術無竟是寄樹吟梧瞑生以復靈請事斯亭

沈孺休壽藏銘

聃季氏裔圭組蟬聯有駒在谷有龍潛淵左圖右史懷槩握鉛坐誦竹几騎誦蒲鞵含毫夢綵操管夢椽浩歌微詠短章大篇碎金屑玉縹繡繁絃見義成字觸遇造

玄井欄滿洗卧被畫穿墜石一點枯籐一牽瓊筋靖肉
芝聖瑗賢爲鴻戲海爲鵠摩天爲呂向錦爲韋陟箋爲
鼎鍾勒爲琬琰鑄少而好俠賓客駢闐解紛排難持危
扶顛肝膽可傾要領可捐中而好遊越楚閩燕迎逢掖
謁索孝廉船元禮御轡晏嬰執鞭左席虛待東閣招延
其貌恂恂其言便便笑鸞鼠腐恥逐羊羶抗顏而入掉
臂而旋長辭柴柵永謝拘攣澤雉神王木雞德全修竹
林下白楊齋前貧則原憲老則鄭虔老當益壯貧且彌
堅墨以爲池研以爲田履敝踐雪突冷斷烟韓伯裂禪
謝眺割氈華亭之鶴子和鳴焉美飾梓材妙契輪扁珠
大泌山房集

卷之一百二十四

銘五

輝壁潤蕙覆蘭荃席設三經塵揮四筵取贄脯脰助餽
粥饘諸孫繼起繩武罔愆麟趾振振鳳毛翩翩羣峰拱
嶽印浦成川吾伊揖讓聊樂我員丹棘憂忘青裳忿蠲
可栖林壑可狎市塵籃輿登降舴舺遡沿逸民高士癯
儒列仙真人望氣少微應躔滌方朔髓拍洪崖肩而目
矍眖而髮未宣行汲盤散鑑井躡躡螭故憐蛇夔復憐
螭瓣香佞佛丈室安禪定慧止觀直指單傳柳從生肘
舌自吐蓮菩提正果貝葉竒編手書心悟各理精研火
避寫品水濕貸錢身超物表道象帝先點功德眼見光
明拳門通百萬界闢三千獲徹內外蜜食中邊乃營一

丘以息諸緣永宅寂居及時而遷高財可隱坎不至泉
豈因馬蹄豈卜牛眠豈請平陵豈肯祁連匪要離冢匪
京兆阡若漢趙岐沙床伏跽若唐李適石榻竊挺脫殼
漏子解繭絲纏下任螻蟻上任烏鳶不生不滅大知大
年何希彭祖何羨倥佻身與空等黔羸失權九峰三泖
劫運涸騫此無盡藏終始坤乾銘者奚爲世法故然

犀銘

有序

王左丞圭叔眎余犀角圖色理形質甚奇可爲山經
可爲酒器可爲如意一物而三善具焉遂爲之銘

逸才之獸其角矯矯徑圍其廣蓋尺有奇中莖設後其

大泌山房集

卷之一百二十四

銘

六

網以差本豐于末植立不危其窾所受于升得一其重
百兩其高兼尺其下黃支其上烏弋象彼兩儀覆載分
職載象筍簾羽鱗羸蟲小首而長搏身而鴻銳喙厚脣
實則素功載象大木窾穴受風似洼似汙似鼻似口似
耳似柈似圈似臼不爲牙射不爲金釵鄉衡實盡旣醉
以酒匪散匪匏匪斗匪勺匪酬以觚匪獻以爵匪尊舉
解匪卑舉角匪伊陶旒髻墜薛暴雲如疊然如瓚然
蘭生桂醕臭益以荃縹清玄碧色益以蠲味之滋甘膏
露醴泉載砥其端匪圭上杼匪弓簫竣匪磬股鼓雞鳴
擁劍胡向異所微似矛形可外禦侮言感於刳言休於

氣青旣徵堅白亦徵勢瑩而能澤廉而不剝若麻姑爪
搔背斯利若皆手文紵昔班班細者斥蠖瑕者積環徐
而察之大山小山有蜀有嶧有霍有鮮有章有隆有墮
有陘有扈有嶠有嵩有岑有廉有厓有密有盛倍蓰三
襲詎一再成強名之曰無草木咳其冢萃矣非祖崔嵬
非烟非霧鬱葱佳哉朝陽靡曙夕陽靡頽或如水難或
如流黃或如牛肱或如羊腸地肺石髓琬液金漿秀色
可餐俾也饑忘寬緩以茶忿戾以奔殊形變態未可殫
論釋有須彌僊有崑崙九千仞鳳九萬里鷗膚寸而合
其則不遠車必乘樁馬善陞龐舟瑤容刀降原陟嶽疇
大必山房集

卷之一百二十四

銘

七

如坐觀日累百反卷之易懷玩之難窮胡笑河叟胡懲
愚公胡負夸娥胡觸共工思不出位樂在其中飛來天
竺削成露掌神異表靈夫何所昉不覺不削可俯可仰
彈琴答韻拄笏送爽辟寒辟暑辟水辟塵飲人以和四
序同春踈簾綵几拂滌常新夜明通天望若燭銀惚恍
有象恍惚有物落落如石瓌瓌如玉大成若缺大巧若
樸蠢兮若嶽曠兮若谷以曲則全以窪則盈不揉而遜
高乃無傾不挫而鈍若渝質真衆美所歸爲儒席珍吁
嗟麟兮共觝雙抵聖王之瑞類相從耳兕驕虜非倫
可擬智者比德愚者誨侈爲帶爲簞爲鉤爲導不軌不

物視民以眇有斐君子從吾所好製爲此器章志貞教不作惡膠不貨惡商順帝之則孰柔孰剛孰大孰小孰短孰長一間無設因物無傷以享以祀有觥其觶以燕嘉賓胡考之休以歌以詠且以臥遊以圖以銘以貽孫謀

以舊硯爲俞仲茅壽因銘

其色震之竹蒼筤也其製坤之直大方也其質絕澤謂銑理孚俱勝金玉之良也其用尼父之辭達成章柱史之守黑和光也其誰宜之俞氏尚書郎也祝爾眉壽無疆子孫率由不忘也

大泌山房集

卷之一百二十四

銘八

陶公出藏研索銘且曰必合鳩瑞堂中物乃佳蓋太君何宜人守節四十年鳩巢其堂云

謂女一耶陰陽以剖謂女二耶不離其耦誰則化之昔也啓母栗不傷劇潔不虞垢風日冰霜介焉可久誰則似之今也陶母

徐生龍尾硯銘

龍戰于野血玄黃化而爲石歛山陽叩之鏗然追琢章翰林子墨日相將以矢其辭五色光貽爾徐卿世世藏徐生藏硯是外祖程刺史遺物銘曰

取之內府而藏之外府我有息女一拳石之多而守則

那母也匪他彼女子兮若母父兮彼父女兮若子母兮
硯銘

爾無聞聞以文爾何久銘不朽

又

園之其象乾也靜之其體坤也注之其藏坎也用之其
文離也此之謂易之道也

開天容墨銘

咨爾墨卿典司文事維天蒼蒼爲物不二萬民斯察百
官斯治光被四表不顯亦世爰銘爾功垂象以示胡然
而天胡然而帝蘇端明詩斷章取義

大泌山房集

卷之一百二十四

銘

九

方于魯墨銘

雄尚玄聃守黑方氏之子副墨

如韋館墨銘

九錫䟽封三臺珍祕思開一丸神呼萬歲以爲不信盍
嘗試疇則能然谷也嗣

神禹青泥墨銘

河清使者是曰玄龜青泥負背從禹所之䟽鑿山川泥
爲封記龜印其上皆古篆字三千餘歲墨妙莫傳維吳
鴻豫法象青玄

青藜光墨銘

太乙仙人臨觀天祿挂青藜杖藝以代燭子墨客卿收
合餘燼用作玄圭磨而不磷爲天下式長守其黑入木
三分非煙五色乃疑於神下土所無囊以文豹貯以金
壺劣哉飲汁幻哉斲髓九京可作請授中壘

朱貞吉杯銘

太樸不存將歸爾根太巧若拙母流吾歎

汪永叔筆銘

短簿夢椽右軍運帚有偉毫鋒名三不朽

畫石枕銘

可有而不必有者勝放之異物叩䟽之仙室耶事真而

大泌山房集

卷之一百二十四

銘

十

爲誤誤而爲真者孫楚之口實耶非仙非異非真非誤
若有若無若寐若寤者沈倬之手筆耶

通中雕玉簪銘

集詩

三句一韻

子之茂兮綢直如髮髮則有旃尚之以瓊華乎而旣堅
好實覃實訐式訛爾心伊于胡底其虛其邪

讀如徐

章有倫有春有萋有且載寢載興如或結之君

大泌山房集

卷之一百二十四

銘

大泌山房集卷之一百二十四

頌

秋防無警頌

有序閣試

主上御極之初丕續先緒惠宇黎元湛恩漸被四方又
寧惟時醜虜不逞跳梁疆場守臣弗戒遂令得志蹂躪
郡邑毒荼士庶

主上奮焉震怒捕逮守臣論如法下詔集文武諸臣會
議闕下求可以禦寇安民萬全無患之長策令所司亟
條上行之於是中外群工同心戮力上自運籌帷幄之
臣下逮被介荷戈之夫罔不祇奉綸音恪遵廟筭所爲
訓飭戎旅慎固封守以振剔弛玩之弊者事甚修舉今
大必山房集

卷之一百二十四

頌十一

年秋本兵循故事請勅諸將防邊以待非常乃虜覘知
內地有備又聞

主上神武天授非近代比卽相視嚙指戒不復犯邊云
臣嘗覽稽載籍若商高宗周宣王二君者非古所稱中
興令主哉觀其征獫狁而服淮夷臣鬼方而來荆楚安
攘之績燁然盛矣然猶勤三年之伐興六月之師始克
奏功

主上端默無爲曾微束芻一鍤之費而邊鄙不聳海內
晏然此其爲烈視二君過之矣臣不佞猥以文墨執事
承明未能介身行伍爲國家執矢石之役謹按商周之

舊援詩書之義爲頌一首以揚盛美俾後之稽功者采
焉其辭曰惟君奉天覆載罔偏威嚴順治大業斯全弼
成五服夷夏分焉戎狄之患振古則然式觀哲后用戒
不虞飭于內政外患則無翼翼天京密邇狂胡是宜夙
夜惕厲匪渝睠茲邊吏玩愒因仍醜虜匪茹伺間潛興
狼奔豨突內郡憑陵震驚有衆粟粟兢兢

帝奮厥怒天威肅將宵衣晷食敝瑟更張縮怯有刑卹
此殘傷群策畢舉以靖遐方命而虎臣肆而師徒給而
餼糧利而予弧變不可測謀貴先圖峻壘淩隍疇敢越
踰來則拒之去勿窮追文武並用綏靜邊陲禁有頗牧
大有熊羆赫赫先聲窮髮以馳旃裘褫魄幕北燿空戎
亭虛候偃甲韜弓九疆安堵稽事斯豐伊誰臻此

天子之功昔在武丁撻伐于荆暨彼周宣徽猷是征鴻
基再造永延令名猶勤遠畧厥功斯成我

皇穆穆德畏惟威兩階干羽三苗來歸周得上策出車
采薇于茲千古等美紹徽制治未亂保邦未危外寧內
憂矧可厭思無荒無怠來王四夷小臣作頌敢附箴規

壽豈頌

有序

唐太宗年十有五舉茂才凡八上省試不第而叔子明
府成進士公念尊人觀察公且老遂謝去所司高其行

賜爵一級太公弗屑也觀察公兄弟四人子七人太公
子五人諸父昆弟子若孫數十人門僂龍鳳里名寇蓋
士林艷稱之矣明府筮仕吾邑觀察公謂太公而嘗從
吾六安瓊管睹記甚詳盍從子乎以代吾負劍辟珥之
詔使爲邑若吾爲州郡當更愉快加餐耳定省溫清則
而弟在太公乃違子舍與明府俱來明府年踰弱冠而
練習持重如老成人諸故牘若爰書一覽輒誦如流所
延見廝卒扈養識其小大修短妍媸隆窳之形久之不
忘吏競競奉法莫得出一言竿牘不入門苞苴不入境
庭如秋水民情僞幽隱片言可折租挈不督而充群小

不逞貫匿各言人過失者回心鄉道不復所過未半載
而邑大治頌聲遞作心儀明府天授非人力也明府不
有歸之太公家大人言不出梱維是訓誨不佞不啻手
携耳提奉以周旋無敢失墜得自託於吏民士大夫之
上吏民士大夫轉相告語吾曹陰受太公賜而不知而
太公適以季冬之二十有五日加五十者二歲旣各以
其黨因明府稱觴壽太公又以其頌明府者爲太公頌
太公固辭明府進曰太父所爲命大人者欲小子庶幾
六安瓊管之政耳幸率大人訓誨邑吏民士大夫不以
小子爲不肖稱大人觴侑之以辭藉手以報太父固婉

容愉色之資也太公曰然其使意事小史籍而陳之而
某從大夫後爲詩豈之頌凡八章章二十句

岷峨江漢帝用會昌猗歟君子隕祉發祥如彼九苞實
生女床如彼西極實產乘黃雲興寸石風洩土囊甘霖
沈沈天籟嗶嗶肅清兩儀潤澤八荒建茲首善扮榆帝
鄉德與雲游仁與風翔瞻言百里旁達無疆鶴鳴在
陰鴻漸于達其子能和其羽爲儀陰豈闕之達豈暴之
委運大化卷舒惟時物生有象象後有滋播厥百穀疇
則敷蓄爲而不特作而不辭皓栖于商由脰于箕茹芝
飲水是用樂饑無所取財亦奚以爲蕞爾下方饑饉

大汎山房集

卷之一百二十四

頌

十四

薦臻衆口籲天長夜忽晨錫我茂宰發政施仁茂宰將
父父教以身怒不色市食不力珍易我田疇萬億鹿困
誨我子弟迪知忱恂愛此冬日煦煦如春貴而無位高
而無名有父之尊有母之親爲衆父父復有翁豸
冕鶴髮旣哲旣聰嚶嚶鶯鶯螿螿阜螽茂宰夙成造羽
鷄鴻冢君率之升阼階東斑爛嬉舞以先孺童家公大
噉飲若川虹車騎闐門鼓鐘奏宮飶牽筐篚莫不來同
五宗之慶誕集厥躬深根固蒂蚤服重積成者鱗角
食者雞跖陽和布濩寸田尺宅膂力方剛膺革孔碩浮
丘洪崖左挹右拍柳下非工墻東自畫九陔汗漫八極

揮斥黃英先春扶桑寅日靈徹蓮華瑤池桃實于何受
命東皇太乙空谷白駒謝彼塲藿爾雲乘風以遊廣
莫稀葦未波渾沌何鑿赤水有珠畏壘無杓我中匪柴
我外匪轉處則鷄居動則爵躍虛心實腹爲天下壑誰
其象之崑崙旁薄百靈擁翊不逢不若埽埴陰陽是爲
極樂青腰降雪盈尺爲瑞灑道清塵以迓蒼帝華勝
旣剪辛盤斯饋老稚謳吟伊誰之賜君子有子孝思錫
類用力用勞博施不匱嶽降良辰適與期會躋彼公堂
長跼揚解以斬黃耆俾昌而熾視福群生庶無彫劫
謂天蓋高視聽則卑人所歌舞天必從之祝史陳信容

大泌山房集

卷之一百二十四

頌十五

有愧辭田庚里婦不識不知無曲而謠聊以宴嬉輶軒
采風命之曰詩管弦金石擊拊間吹薦聞于帝襍災祈
視耆壽繁祉子孫世詒下里之音具陳在斯

南人頌

有序

羅景綸有言繪雪者不能繪其清繪月者不能繪其明
繪花者不能繪其馨繪泉者不能繪其聲繪人者不能
繪其情信然哉左司空丁公官南都大小卿凡四政二
十餘年施澤於民久矣客有爲圖贈者余系以頌書不
盡言言不盡意圖又何可盡也其辭曰建康天邑孫謀
遠貽帝繩祖武永念肇基簡迪才賢庸鎮殿之嘉我丁

公責然來思敷歷卿寺庶績允釐既開憲府摩畫肩仔
觸邪在繡惠文在綉維直維清樹之羽儀衆實有口捷
捷詭詭墉非射隼侯非擊麋胡然虺蜴胡然窮竒瘡彼
梧鳳息此茅鴟無偏無黨何耦何畸君子蕩蕩好人提
提與錯也囊寧勃也椎枕動於穎噐監於歆治裳缺衽
節食象卮鄭美緇衣周贊素絲法所必刑沓墨錯鉞情
所必伸單赤狐葵禽三駟用羅四面嘻兩造具備爰聽
五辭必卽天論服念旬時汎與衆共赦與衆疑無誣郵
罰無輒朴咎民之疾苦察若列眉有虎人寇侍中鷓鴣
林焚澤涸頭會斂箕其聲詛譎其氣鬱伊于昊穹怒而

逢百罹滂舞商羊旱兆肥遺哀哉無辜僵卧呻呶溝溝
澤量突烟絕炊爲民請命六祈孔悲旬旬救喪由已溺
饑家凜億秭盡於舖糜累鍾月奉盡于瘞醫鬻子之閔
恩斯勤斯由孽樸生白骨載肌蘇枯甘雨扇喝輕颺迺
除間架爲長度移迺做踐更爲不繇貲迺勤劭農以畚
以蓄迺導秦淮注之江靡吠噲距川漣漪淪漪徒杠輿
梁磬無不宜泉流原隰釋膏凝脂美禾美麥今茲來茲
周道瓦甌劇驟窮期樹以嘉木濃蔭雲垂雞鳴狗吠馬
騰牛犢鬼無靈響物無癘疵迺討軍實迺秉戎麾武庫
甲仗儲胥槍纍侯傲支繚夜卒大誰水則鵝鶴陸則熊

罷橫草萑符洗兵潢池餘勇可賈憬彼島夷好音我懷
左足疇窺深居稱朕宮府睽離印刊薪積官曠厥司是
攝是贊政事益埤夙興夜寐拮据抓覩漢謝百參虞足
一夔三考陟明仁憂喜與俱當其深山鹿豕何殊見聞
天子所蔡召佐冬卿予以輔台二十餘年南人熙熙如
天有二如子依變歸一日仁建萬世規比屋心香載路
口碑濟濟華裾亦暨養廝番番黃耆亦犖角羈攀公重
較涕洟齋咨靡瞻靡依將俾我疚惟公珍攝戩穀寵綏
惟公悼篤故舊靡衰以調海內合驪以聊兩京並建發
政先施公德有考公象有祠父母孔邇奚其遠而善畫
大泌山房集 卷之一百二十四 頌 十七

者圖士女祁祁風聽臚言敬陳頌詩

口聖齊華昌不道養週

天育二吹于知變龍一日才我萬
天子所蔡召佐冬卿予以輔台二十餘年南人熙熙如
一夔三考陟明 流原照稽骨疑胎美禾美麥今茲來茲

載是贊政事益埤夙興夜寐拮据抓覩漢謝百參虞足
天民壽域新岳稱淑寧淑魏魏同區籜聲音敵應同裝
顯敷草葑葑共歡故梓裏百貫對郊島夷被音非難

箴

親賢齋箴

爲陳中丞作

維陳之先肇自有虞頑嚚未格泣而號呼夔粟克諧允
若以孚象至不仁憂喜與俱當其深山鹿豕何殊見聞
一善如水下趨好問好察吁咈都俞舍已從人面從而
無四目四聰弼以明謨堅讒遠佞惇德靡渝慎徽五典
爰命司徒教以人倫在寬敬敷九族旣叙神人和愉孝
弟而已道豈遠乎精一執中爲之紐樞勗哉親賢請誦
虞書

維陳之封肇周太姬以備三恪作我藩維賢賢親親周

大泌山房集

卷之二百二十四

箴

十六

道兼施四支十亂弼時肩仔馮翼孝德車馬載馳棠棣
行葦杖杜葛藟伐木頌弁諄諄訓辭諸父昆弟匪昵厥
私奉天物則率民秉彝得道多助萬福寵綏子孫千億
百世本支鍼父子黃爲陳羽儀洩冶不用禍患則懼親
緣賢篤賢詎親遺善敗之來其鑒若斯勗哉親賢請誦

周詩

習靜軒箴

潛龍勿用或見在田時躍時飛爲道屬遷君子自強行
健法天元亨利貞四德渾全群龍无首終始相連何寂
不動感遂通焉何以幹事貞固則然槁木死灰異端斯

偏請占諸乾動直靜專

從事無成曰含其章慎而不害曰括其囊謂坤直柔而動也剛承天時行萬物化光內敬外義後順得常牝馬地類行地无疆中美暢發元吉黃裳上六龍戰陰嬾無陽請占諸坤至靜德方

緯文經武箴

有序

杜日章元戎構經武堂緯文館蓋余所命名也既成屬余題詠時正讀易取其語義似者綴以貽之文武道大易學精微談何容易然百慮一致雖不中不遠矣

乾見龍在田天下文明君子學以聚之問以辨之寬以

大泌山房集

卷之一百二十四

箴

十九

居之仁以行之坤黃裳元吉文在中也屯君子以經綸小畜君子以懿文德同人文明以健中正而應大有剛健而文明賁文明以止大畜君子以多識前言往行以畜其德坎君子以常德行習教事晉君子以自昭明德家人君子以言有物而行有恒革上六君子豹變其文蔚也兌君子以朋友講習繫辭曰富有之謂大業日新之謂盛德夫如是然後名爲緯文

蒙上九利用禦寇上下順也師剛中而應行險而順以此毒天下而民從之初六師出以律九二在師中吉六五長子帥師同人九五大師克相遇大有君子以遏惡

揚善黜六五利用侵伐無不利上六利用行師征邑國
損君子以懲忿窒欲萃君子以除戎器戒不虞既濟君
子以思患而豫防之未濟九四震用伐鬼方三年有賞
于國繫辭曰古之聰明睿知禮武而不殺者夫如是然
後名爲經武 稟官南太僕少卿初令慈谿夢神授以童

大泌山房集

卷之二百三十四

又九



欽定四庫全書

以朋友講習繫辭曰富有之謂大業日新

千園繫辭曰古之卿也觀時而後不辭昔夫咬是然

子以思患而豫防之未濟九四震用伐鬼方三年有賞

財萃子以懲忿窒欲萃君子以除戎器戒不虞既濟君

子以思患而豫防之未濟九四震用伐鬼方三年有賞

誄

劉孝廉誄

有序

泰和蓋有名士劉君云其名澍其字君東漢高帝之苗裔自長沙定王以下系可考也王父端祥以子貴贈光祿丞父逢愷累官南太僕少卿初令慈谿夢神授以童子爲邑人報賜遂生君名與字因之五歲讀張子厚西銘領畧大義九歲問天地窮際日月往來之故父奇之十二從父居駕部邸夜聞楊忠愍赴西市驚而起遶屋行已得耗爲之潛然招魂而呼楊公千古人不死矣甫冠著尚志論以酒爲無愁子菊爲隱逸先生燈爲明空

大泌山房集

卷之一百二十四

二

道人作三傳士林盛稱之隆慶改元舉于鄉不欲偕計吏父不可古人取友必盡天下士寧在一第乃行父俄卒跣括奔歸哀動路人席苦靈床側三年對客涕與言俱下所爲祭文語殊楚君故好客客常滿坐然可得同不可得雜也人有片善寸長造訪延攬非其類曾不一盼于鄉則嚴事尹宗伯曾中丞胡觀察友則鄒僉憲曾大理益都朱司寇金陵焦太史蘭谿胡元瑞新建丁右武臨汝湯義仍其最契也宰執李公張公或欲一見或羅之幕下謝曰豎儒不堪掃丞相門與故荊王史李九標善酒間約爲婚亡何李與女母俱死走告戚黨李君

吾生死交義當撫其孤女矧有成言何忍負之迎李女
歸養之如女長而後婚其子李宗人爭產訟汪郡守郡
守以李無子唯一女中分其產予女君固辭是舉也吾
義不倍死者如是則利之耳郡守從之故人爲選郎諷
就仕艱然變色曰梁伯鸞童子不因人熱吾頭顱如許
柰何依倚名勢吾不能爲小用更不能爲枉用會母卒
哭而告先靈向者僕僕上公車以二人所屬望今休矣
有司循故事致續食費不納而搆終慕堂志孝思已築
圍名之自怡又爲焉文館家藏書萬卷古今金石篆隸
寶墨名畫數十家園饒栢竹峭蒨青葱獨得其真老梅

蟠松緋桃藜桂蓮甕蘭缶布列庭砌方池半畝錦鱗仞
躍疊石象匡廬諸勝有天際真人之想焉所爲序麗而
雅可奴僕命齊奴金谷也 建儲覃恩詔舉人不仕者

授御史臺從事友人請應詔笑曰吾家赤帝子有云大
丈夫當爲真王何以假爲聞方直指謀薦於朝而喟然
嘆吾愧聖人之無名也太僕配食邑學宮奉主時哀如
初喪慈谿人祠太僕名宦又以配揚慈湖先生祠遣子
廷曾往告纂崇德昭德懿德錄爲家範繕祖祠割名田
以供爨盛年穀不登以母命發廩賑饑遂爲常佐有司
履畝均田而一邑之賦平所匡困資無振人緩急不可

勝數君目如曙星聲如洪鍾初豪于酒晚絕不飲思以
文章名家行先正劉槎翁詩謂及古之功先於北地劉
有快閣爲之志喜宋仲溫解大紳手筆臨模不倦又好
節俠耻爲小廉曲謹事多出人意表抵掌奮袂期鞭撻
四夷立功萬里外抑碎首玉階從龍逢地下念母在不
自由垂艾屏去一切潛心通術號曰約我人稱之約堂
先生嘗與鄒爾瞻論易復大象雷在地中先王以至日
閉關斂其強陽歸于無有故曰剛反爾瞻服而下拜羅
文莊爲西昌理學宗講學者置不省梓行其困知記于
文成尤所尊信語具焦區曾三公徃復書中而令廷曾

師爾瞻述所稟受默相証也年七十一中元祀先畢忽
戒于姓吾期將至矣明月使廷曾徵鄒爾瞻手書太僕
公碑乘籃輦歷園亭命孫與猶子烹茗行酒盡日而罷
曰向後寧復有主人翁履聲耶廷曾還輒寢疾數日而
沒通國咨嗟弔者二千人爲文祭者數十羅給事爲狀
爾瞻爲墓志狀言君設生洙泗時則曾替琴張之狂志
言君加陶彭澤一等其爲名流所重如此余先世吉州
從士大夫後聞君甚著而希曾從余遊習其文行得之
父爲多按羅鄒兩公言爲之謀其辭曰陶唐帝系垂漢
炎劉蟬連圭組蓋三千秋倚與太僕繩武前修浙東出

宰敷政優優蔭與雲翔澤與川流神祇昭假華祿來道
篤生令嗣岐嶷寡儔豫章雖小有棟梁氣志希聖賢思
窮天地旣綜六經亦該衆藝色絲五章炙輶多智弱冠
韶年遂偕計吏乘風破浪康衢騁驥九陞歷升九州作
被總會方畧壹齊統類教寧武功慷慨忠義狂者進取
適觀厥成嚴親俄喪慈母烝烝周旋子舍色養遺榮潛
龍勿用日可見行著書論道理詠怡情培塿五嶽勺水
八瀛禽魚草木上下縱橫同焉皆得孰距孰迎堯舜束
帛子子于旌敬謝來辱匪心所營我周旋我卿自用卿
爲溥三隱爲魯兩生晚而喜易言觀其復致虛至極守

大沁山房集

卷之一百二十四

三二

靜至篤挫銳解紛衣褐懷玉澹兮若海曠兮若谷豈虞
運數陽九百六月犯少微頽山壞木嗚呼哀哉太古風
醇叔季澆漓才難久矣矧迄今茲膏梁統綺如氓蚩蚩
佳哉公子濁世吐奇麟趾爲性鳳毛爲儀孝弟廉讓學
問文辭尚通尚介好俠好施士恒取節君獨兼資各高
子衆造物忌之百身安贖涕洟齋谷人亡那瘁其說在
詩嗚呼哀哉

偈

達磨偈

取佛小毛孔入四大海水渡江蘆一葉小大平等耳謂
蘆不可渡今渡江者是謂渡皆可蘆蘆復誰渡矣衆生
有佛性佛不生不死慈航本無航彼岸亦無彼何必立
文字已識西來指

布袋偈

布袋荷杖頭是物皆乞取隨多復隨少無淨復無垢似
醉亦非醉似醒亦非醒醒時布袋坐醉時布袋枕如何
用布袋便放布袋住如何放布袋便負布袋去何以放

大泌山房集

卷之一百二十四

偈

三三

復負但笑不迴顧

輟筌偈

四大與六根何來復何去不從此象生那從此象住十
身本無身雙樹亦非樹離却殼漏子知向什麼處聊爲
白骨觀莫墮輪迴趣

不可對今對... 四大與六根... 雙樹亦非樹... 白骨觀莫墮輪迴趣

胡敘州出守之二年識今唐邑侯於諸生中邑侯遂舉於鄉尋成進士踰年邑侯奉檄宰下邑則太公實與俱來蓋吾邑不治久矣邑侯守畫一而酌時宜孜孜務得民和比及三月輿人誦之邑侯聞而讓曰家大人之教也邑人私相謂敘州知人哉爲吾邑得唐侯敘州諸昆弟子姓亦私相慶藉手邑侯無得罪於鄉父老子弟會太公以蜡月二十有五月初度通國中無少長貴賤爲邑侯聚百順介太公壽敘州諸昆弟子姓則又聚族而

大沁山房集

卷之二百十四

七

三十四

謀吾曹賴邑侯寵靈倍敦宜有特饗介七人胥授簡不佞陳辭不佞請其目皆曰邑侯實生我而無浚我以生太公則生生我者體本其所自生故當報也且也太公生于蜀家以蜀守習蜀事敬熟數於前而子大夫擇焉不諾敬諾介曰善養親者體足輕煖口饜甘薌蜀土之毛靡得而詳姑舉其畧果蔬則橘柚棹檉栗桃樵林禽般關丹若離支藪蔗柎芹瓜匏薑柅蔣蒲菱芡蒟醬蹲鴟鰲蒸則鴻隰乳獐封豚被豨晨鳧應鴈孺鷺戮鷓丙穴兵欄嘉魚櫛比亦有玄穀青醪浮萍泛蟻耶筒蕉藕雲安麵米鷓谷之粟枕椰之麵芍藥之羨鼎娥司爨

血臚神智是養是練蠶叢青神女紅伊始城列錦宮濯
以江水統纓纏頰文采麗爾蛛絲霧縠從風而靡濮竹植
華細都弱折白疊黃潤續微影撇麋羊戶豹能黃狐白
蜀賓龜旄青頓筆凝重裘累茵不知霜雪此亦養之至
也可以壽乎不佞謝曰今之孝者是爲能養古人有言
衣與繆與不女聊請更舉之介曰人生適意耳耳目欲
慕聲色之好疇能逃此蜀之上世佳麗所鍾巫峽瑤姬
爲高唐客軒后之所出也巴師歌舞以倒殷戈周武王
之所封也赤帝子之所善也胤之舞衣成康之所寶也
東平歸邪幽魄蜀諸王之所作也琴則綠綺操則履霜

絃則蜀國吟則白頭歌則顛嬋苻都艷瀕竹枝樂府則
巫山高蜀道難聞人哲婦之所遺家戶之所習也若乃
漢女巴姬秀色可餐丹唇皓齒吡噉出焉躡淒秋發陽
春奏江上虞西音傳幽谷遏行雲已乃紆長袖振文履
巾拂交飛劍丸逝起旣鳧沒而鴻驚抑鸞停而鵠峙軼
態瑰姿目不給視曜靈西匿繼以銀燭肌頰液柔肩摩
膝促浮白引滿而稱詩曰厭厭夜飲不醉無歸君子萬
年壽考維祺樂如是足矣可以壽乎不佞謝曰甘酒嗜
音內作色荒有一於此未或不亡請更舉之介曰箕疇
五福一壽二富假令終宴帶索行歌擘項黃醖壽奚貴

焉蜀饒瑕英茵芝江珠玉石銅陵鐵冶熒臺丹穴鹽泉
海目油井水脂徃徃而在南御瀆熨熨僮西近邛笮笮
馬旄牛九市百廛通關帶闌刀布山積舟車鼎沸櫬檀
棗稅衣以文繡突夏若春燭房若晝驥子魚文結駟從
禽小大于邁巷無居人載張水嬉共引權謳撻金伐鼓
江波咽流一息千里白馬黃牛僮指累千綠幘傳鞞名
田萬頃灌木千章朱提柱棟甲帳連岡素封儼侯行樂
殆王此富厚之適而華封人所爲伊耆氏祝也可以壽
乎不佞謝曰富而可求何愛執鞭視彼不義浮雲在天
請更舉之介曰年壽有時而盡未若文章之無窮天生

蒸民與於斯者鮮矣蜀之分野雲漢七襄啓耀井絡契
符文昌地稱天府原曰華陽鴻生宿學頡頏相望大者
談經裁史斷國謀王小者登高能賦專對四方卿雲子
淵陳李蘓范之儔其最章章者也其人已徃其文猶存
片言九鼎隻字千金剖抉元化統一聖真總攬人物囊
括古今游談爲美造作爲程味之醍醐扣之球琳服之
袞冕瑞之鳳麟流之江河照之日星此文之極致也可
以壽乎不佞謝曰文莫吾猶人也請更舉之介曰鐸以
聲自穴膏以明自鑠虎豹之文來射猓猓之捷來擲子
大夫謂文士不善藏其用耶則有身旣隱焉用文者矣

峩崕之阻肥遁接輿成都卜肆君平所居友鴻安丘鑿
彼林間伯梁衛衡師樊季齊隆汙在道險易因時躬耕
谷口惟鄭子真習黃老言惟楊王孫常璩志贊冠以逸
民徵聘之目代不乏人曩氏夷揆青城桶翁涪江樵夫
販香薛公標季之代而遡古風不榮孽卿之祿不襲驕
君之餌蟬蛻塵埃鴻冥萬里紹夷惠方洙泗必斯人矣
太公高尚其志編德於諸君子可以壽乎不佞謝曰大
道之行天下爲公豈若避世之士哉請更舉之介曰天
地之氣始于東而擎成于西西蜀卦位爲坤坤之繇曰
西南得朋安貞之吉應地無疆仙聖之種備具圖牒青

羊之肆聘喜遊遨葛由綏山一桃以豪彭祖周老而逮
事殷山圖亦斧采藥采真若神和若馬成若李八百若
王方平若帛仲理若陰長生問所服食玉華金液雲母
雌黃水桃碧藕絳雪玄霜問所居處洞天福地易遷童
初閨風玄圃員嶠方壺問所授受六甲靈飛五嶽真形
九丹八石鴻寶黃庭或滌髓而伐毛或胎息而體輕或玄
丘而方瞳或偃骨而綠筋或鸞駮而鶴駕或風御而天
行子大夫欲爲太公壽倘在是乎不佞謝曰美哉壽矣
雖然是游方之外者也太公游方之內者也請更舉之

介曰石紐神禹啓敬承江陽吉甫奇從令禮重世及史

表世家所由來矣漢之東西宋之南北于斯爲盛何有
武霸馮有緄元趙有戒典瑤琰王有堂稚佑獲張有皓
騫霸楷李有郃固尤勝閩中之陳綿竹之張華陽之范
眉山中江之蘇丹稜井研之李難弟難兄是子是父貽
厥孫謀繩其祖武弓冶箕裘播搆堂塗茨丹腹華腴
膏梁望標喬木思寄甘棠書藏盟府績紀太常五世其
昌八世莫京十世宥之於以勸能百世必祀明德惟馨
詩曰凡周之士不顯亦世書曰亦有無窮之聞子孫訓
其成式勒金考石礪山帶河天壤俱敝雖巧曆莫得其
年矣太公蜀寇族也觀察開先邑侯象賢諸父奕奕群

從翩翩萬石稱君三戟旌門七葉珥貂十乘朱輪太公
開國承家功兼述作煌煌宗祏求言不遷是可以壽乎
不佞曰善此夫不極養而充不求樂而安不謀富而備
不徵文而傳不待隱而高不外物而仙太上之業幾以
加已籍其語以告典謁典謁具白邑侯邑侯將太公命
蕭客而入登拜命工歌詩歌曰川崖惟平其稼多黍旨
泗嘉穀可以養父賡歌曰惟德實寶富貴何常我思古
人令聞令望遂歌曰日月明明亦惟其名誰能長生不
朽難獲是蜀詩也太公顧邑侯而解頤容所操介乃公
壽者皆蜀故物受之何傷于廉拜客之辱修爵無算

賀李觀察

伏以彤幃南御天廻郢里之春絳節西巡人近長安之
日禮成燕喜樂動驪歌恭惟某官京輦名家毘陵世曾
德輝鳳覽傾四海以登龍文采鴻敷出萬言於倚馬臺
千金而得駿函一劍以流虹科第蜚英勲名沛艾輜軒
奉使采原隰之皇華畫省爲郎富明光之奏草納言璇
陛表望銀臺達虞帝之四聰佇司喉舌試蕭公于三輔
暫託股肱薇省分符班穹外服荆方賜履地控上游煦
育群黎澄清一路吏人糜沸無擾烹鮮簿牒絲紛靡停

大泌山房集

卷之一百二十四

帳詞

二十九

解刃場登禾黍不聞田正催呼野薤藿苻自任舟師容
與陽春白雪頌聲半雜歌聲漢水方城王氣并爲和氣
皇仁無外寧私桑梓之邦帝顧維西載授鎬豐之宅關
門令尹指真氣以趨迎嶽頂仙人捧靈花而展候五陵
寇益氣奪霜威四塞河山雄增石畫今日推恩湯沐波
及秦川它年遺愛棠陰春同楚甸王風首善二南已和
新詩卿月高懸九列尋還舊物某等叨陪下陳末効前
籌馬渤牛溲幸入刀圭之錄竹頭木屑慚收斤斧之場
惟獲上斯可治民論知已何殊生我二天永賴豈惟村
號莫愁兩地俄分載見碑名墮淚攀轅借寇如失瞻依

服袞歸周願留信宿郵亭贈別雖無仁者之言祖帳駢
闐試聽與人之誦詞曰牙幢裊裊清風起吹向函關紫
何日重來思深漢水思深漢水 楚人莫妬秦人喜君
家臺閣裏看取它年四海蒼生一般赤子 右調賀聖朝

壽邑令

恭惟某官祥開七曜道貫三才家居大禹之鄉龍光有
赫系本神堯之裔駿惠無疆軒轅宮毓麒麟丹穴山栖
鸞鷲蚤題名於蕊榜遂布政於花封搏拊宓琴啟萬家
之絃誦登閣偃室收多士於禔蒸境絕飛蝗郊馴伏雉
新田佃載偕桃李以宜春貫索爲空委析楊而臥雨番

大沁山房集

卷之一百二十四

賦詞

三十一

君心地買父口碑象一氣之轉鴻鈞先入荒而開壽域
功成朞月節屆仲秋嶽降神以生申斗旋杓而建酉顏
朱髻綠陸地行仙眼赤腰黃巖廊需次通國中之老稚
介幕下之官僚倣函詩而酌兕觥膺頌而陳燕喜玉
液共金波競爽瓊芝與寶稼同登壽富多男備華封之
三祝康彊逢吉歛箕福之九疇雲氣上升秩賓筵而肆
宴風謠旁採隸樂府以登歌詞曰玄武合昏觜觶中旦
看壽星日月方躔有誰遘此嘉祥郎官應宿令尹能仙
試道從來石麟玉燕神光照社練升天暢奇哉青雲一

躑恰是芳年世家圭組蟬聯帝鄉赤縣寵借才賢似晉

陽保障蒲亭教化虎移河外鸞集庭前正萬寶秋成黃
童白叟扶携歌舞向華筵祝長生壽國壽民滄海桑田

右調壽
星明

壽薛母

蓋聞天釐女士詩陳祚胤之符家有嚴君易象孚威之
吉必德言容功克備斯祿位各壽攸同恭惟夫人婺宿
儲祥織阿鍊魄雌雄諧偶合龍劍于斗南律呂和鳴叶
鳳占于媯後靜好房中琴瑟肅雍牖下蘋蘩昧爽而朝
猗籬燧觴之佩明星有爛丁寧瓊瑤之遺績桑麻則織
女成章議酒食則鼎娥遜美訓垂勤儉禮順汗隆篤生
大泌山房集

卷之一百二十四

帳詞三十一

三

命世之賢光輔參天之業委蛇玉署常氏之受文宣侍
從瑣闥王慈之懇顯諫登庸伯牧留守帝鄉象服有輝
雅素詎忘操作魚軒在御啟居每問平翻萱秀垂堂崇
陰載路併懔萬厦平分繡閣之安經緯二儀總出機絲
之緒養兼祿善孝極顯揚睠茲懸悅之辰甫度穿針之
候仙人六膳對北斗以爲漿神女八瓊比南音而舞簫
金泥錦字如綉如綸彤管瑤編載歌載頌夫人南岳趣
鶴駕以招延阿母西崑緘鸞書而展謁莞爾啓噓電景
頻賽驍壺瑩然綽約冰膚何煩鳩杖撫曾玄之累葉苾
馥芝蘭集朱紫以盈庭續紛筐筐歡聲吹萬樂事無雙

某等叨奉後塵稔聞內則魯承僖母大夫庶士咸宜周
得太任小子成人有造考芳徽于列傳振古如茲布圖
畫于百城只今爲烈漢珠如月難酬寸草之暉郢曲有
春米獻千金之壽其詞曰金風玉露最是清秋好騎黃
鶴騾青鳥繡囊佩虎頭華鐙然鳳腦東海濱咫尺是神
仙三島 霜橫青女腰脯擘麻姑爪服雌黃枕鴻寶千
常雪碧藕五色蠶香草携子孫遙裔向紅雲縹緲右調千秋

大泌山房集

卷之一百二十四

軼詞 三十二

山三島 露凝青文麴醴學和故爪銀鏤黃林獸寶千
麟總青鳥繡囊佩虎頭華鐙然鳳腦東海濱咫尺是神
春米煇千金之壽其詞曰金風玉露最是清秋好騎黃
畫于百城只今爲烈漢珠如月難酬寸草之暉郢曲有
爵太丑小予知人育彭亨苦齋千夜轉述古咬茲林圖
某善四奉翁壘鏡闈內俱魯承僖母大夫庶士咸宜周

大泌山房集卷之一百二十五

京山李維楨本寧著

齊王孫國華象贊

有先王鴈鷺之食其貌何癯微大夫康莊之第其德不
孤綺裘則長庚紫角巾則錦里烏丰采則會稽朝霞軒
舉詞藻則鄴下朱華紛敷疎豁則檀欒修竹池邊幽靚
則連拳桂樹山隅鷄籠之階靡高而文籍盈厨青谿之
宮非賜而賓從甚都淮南騷人方士信陵賣漿博徒或
分庭抗禮或擁篲前驅伎能輻湊日夕宴娛蓋國蝸角
而時靡爭雖蒙魚服而動無虞仲公理不云乎寄愁天

大泌山房集

卷之一百二十五

贊

有

上埋憂地下九陽爲燭恒星艷珠杜工部不云乎高帝
子孫盡隆準龍種自與常人殊以余觀齊王孫國華誠
哉是言也夫

楊襄毅公象贊

皇矣

世宗格于上帝帝賚良弼蒲阪天京陰陽所和人龍是
出魁梧奇偉望之儼然天神太一徐而卽之有威有儀
旣憫旣憇弱冠蚤貴垂五十年以帝師宰冢宰司馬至
再至三亢寵寡匹淵角山庭河目海口法相則吉黃鉞
所向批擣磔裂前無衡虜夫何以故虎頭燕領桓桓孔武

三后聖神疇克代終而獨譽處瞭焉眸子視瞻不迴黑白卽序龍章鳳姿天質自然德機用杜精誠之極九廟居歆受天純嘏頽頽豐下宜爾子孫如穀在魯條首摩空亦有龍門砥柱狂瀾公實象之屹焉嶽立則莫我干洪河九曲以受百川其流漫漫肖公腹笥藏疾納汗空洞無端陽氣見眉上滿大宅庇寒士歡盼踈成飾吹噓成恩不遑沐餐羣策羣力于以四方之屏之翰猗與七尺爲鵬負天爲鼇負地國有戚休覘公頓笑乃定衆志種種之髮類此素絲鞫躬盡瘁三靈告泮九原不作吾將安事麟閣雲臺爲公寫照四夷敬忌勉勉朴忠沉沉

大泌山房集

卷之一百二十五

贊

二

有

石畫于今未墜豎儒不敏識其小者敢副金匱

陳司空象贊

有序

司空陳洛南先生南海人也舉進士爲戶部郎久之爲湖廣按察副使以故曹事註誤謫同知泉州尋守南昌擢副使歷藩臬閩粵蜀滇間爲大京兆奉常南少司寇北少司徒南司空致其仕歸卒年七十有六伯子弘采以任爲民部郎仲子弘乘以明經典南國子簿爲善化尹尹四子其三登鄉書而熙昌領解先生官少司徒時楨在史館得侍同朝所謂大臣之度長者之風先生有焉去之四十餘年熙昌視余先生像慨然慕之贊曰其

神儁朗而澄凝其骨勍挺而秀清其氣果壯而和平其
度廓弘而深沉其貌整栗而雅馴廉不傷物善不近名
丈夫而處女操大人而赤子心謀王斷國脩已安民文
爲威鳳仁爲祥麟直爲神羊化爲搏鯤鴻羽可儀龍德
可行立于朝社稷臣祭於社鄉先生五福所不足者富
所有餘者多賢子孫國無老成象則典刑舊史作贊以
副汗青

吳明卿先生象贊

澤而腴皙而揚且齒如編貝目如懸珠腹如栝棧豐頤
曼胡鬚鬚者鬚三十侍中居稍遷二千石卒爲中大夫
大泌山房集

卷之一百二十五

贊

三

有

亦有五丈夫文似相如會盟于華陽左啓右肱中權後
勁前茅慮無片撰升堂相視而笑三百跣跣浮太白叫
呼盧炙手可熱丞相金吾見之藐然謔浪傲無讒言孔
昌所至齟齬柳下三黜澤畔三閭屈柔從俗玩世自娛
側有袒楊裸裎不受其汗抑憂愁幽思而作離騷招魂
歸來乎情事欲絕涕泣嗟吁人莫知其故目爲狂目爲
愚五十知非畫地而趨不以一日使其躬儻焉如不終
日砥礪廉隅自耆迨老與天爲徒我寧作我吾忘故吾
其虛其邪以佃以漁攬化人之祛御風而行造彼華胥
發帝策府萬玉灌輸文則漆簡竹書科斗盤盂聲則折

揚黃萼肆夏繁過渠吾不知誰氏之子維楚有材其人
季子其氏曰吳

鄧汝高象贊

東方少陽日月所出川谷朗潤閩得其七地靈人傑還
相爲盾頤頤鄧侯周楨商實天與之貌廣額豐頤白晢
丹頰樹以秀眉上應列宿文昌攝提雙柱天中高而不
危曙星巖電點漆懸珠孰者肖之是維清矚若營四海
匪以睢盱滌除玄覽結檜弗踰美鬚長髯布置自勝性
情密緻操修純正循本究末隆殺必稱如髮綢直都人
斯詠坦腹象坤捫膺應矩囊括二儀網羅千古東壁圖
大泌山房集

卷之一百二十五

贊

四

有

書西崑冊府誕啓人文海濱鄒魯五氣精靈交聚相加
字裁五雲筆生五花以閱衆甫爲大方家于喁天籟經
緯國華濯濯春柳謾松風雍飛振鷺遠漸儀鴻重較
寬綽佩玉青葱載色載笑小大從公在昔高密手扶赤
帝深執忠孝餘慶奕世子孫復始厥德司契寫照傳神
與雲臺媲

汪代州象贊

君子之容大夫之服容爲德符服爲德祿厥德伊何請
言其目剛而無憚恭而無縮察而無苛讓而無曲廉而
無矯和而無瀆寵辱不驚怨怒不蓄爲士也師爲民也

收載歌載頌載尸載視蠻貊可行矧我邦族詔爾後昆
永言似穀

郝肅寧象贊

彼姝者子哲而揚且頎頎魁岸鬣鬣有鬚銅章墨綬峩
弁華裾豈伊異人昔者吾友其精銷亡其骨已朽我儀
圖之中何所有好在人上神鋒秀發長短不飾以情自
竭食見更仰何傷日月矜潔自貴孤立寡與屠狗賣漿
意氣相許傾蓋如故久要無忤剛腸疾惡恥均茵伏樂
道人善連茹推轂片言合趣一朝三復左官下僚依隱
玩世不事左右毀言日至委而去之如唾棄地縱意所
如儻易簡脫據經守古屹然自若九死靡悔昔育奚奪
官雖三仕家徒四壁儋石之儲朝不及夕茗枰茗椀談
詠自適感物造端榻管擗辭倚馬刻燭墨瀋淋漓一家
機杼以意爲師中賢中聖爲醉鄉侯吾將老焉速營糟
丘沐浴振衣翛然天遊人心不同有如其面面則如是
心詎可見其友識之敬作斯贊

李長公次公象贊

有二丈夫列仙之儒居山澤間形容甚癯一爲宣髮哲
而清臚一邑中黔疎秀美鬚長者南面左手執圖憑几
磬咳其頷垂胡次者俯聽而坐坐隅豎鐵如意雙足踟

跌吉人藹藹良士瞿瞿兄弟匪他惟孝友了道德玄同
曲折合符亦憂亦喜亦步亦趨爲杯共甲爲荆同株疾
痛苛癢斟若一軀倡子和汝墳篋笙竽尺布可縫安事
羅襦斗粟可春安事淳母和樂且湛施及妻孥骨肉之
親粲而不殊疇知彼已疇言有無象帝之先與天爲徒
我作斯贊以諷交瘡

歐陽光祿象贊

有序

歐陽望華先生泰和文莊恭簡兩公從子也博聞強記
學有深詣又明習當世之故仕爲光祿官屬非其好也
既滿考遂自免歸懷獨行君子之德義樂分施而恥積
大泌山房集

卷之一百二十五

贊

六

有

藏與人從容以和無所失意其後昆多名士子相示余
象垂紳秉笏端行頤雷如矢眼如點漆鬚如藐姑射水
雪貌如不勝衣其神情爽拔風度凝遠矣贊曰介然秋
肅盎然春熙高山嵯我深谷逶迤冠倫魁能仕不競時
博物多通學不費辭何以定命維是威儀家有鴻儒斯
焉取斯

程子孺象贊

豐骨腴肌苞瘠孕孱崇臺重宇層雲冠山蘭筋多力萬
鈞獨逞龍伯繫鼇烏獲舉鼎大意不凡縱橫廓落擊水
搏鵬聞天唳鶴清冷峭絕森森古容孤松高嶺片月危

峰規矩折旋修短中幅佩玉冠冕巖廊肅穆披文相質
逸氣函光瑾瑜五色繡袞九章恣態纖媚風流容與嘯
樹飛仙細腰舞女刻畫何爲真率自然戲海羣鴻映日
初蓮吾聞其語未見其人程生手筆冠代鮮倫豈必丹
青圖形寫照舉篇見字傳神肖貌以書準古優孟學孫
以像求書中郎虎賁聲華四寓價輕五都不爵而榮展
也丈夫

又

系出於程而以隸名匪今之人邈也復生玉色揚休山
立時行厥產玉山山實儲精物無無偶有開必先彼姝
者子胡不其然脣齒常黑領袖如皂客用示嘲卿言大
好骨豐肉潤書符其貌世有孔融欣然獨笑

又

次仲雙鬪倉頡四目神明若存之子是續頎頎者幹便
便者腹虎頭燕頤飛而食肉法相當封厥封維素紙田
墨池筆耕硯賦草聖齊名頑仙郤步麟閣丹青彼哉何
慕

周紀善象贊

其神凝然若檠株拘其色溫然若飲醅醑其中炯然容
貌若愚其文斐然質直若渝三思而行三命而趨謙謙

貞吉抑抑德隅穆生枚叟異代同符

張孟孺象贊

貌不勝衣志則雄飛口恒啼饑醉鄉是依無韎韋無金
緋無揚徽無策肥竹下有扉蘆中有碕入山有薇牧犢
有妃情內者禮微音大者聲希去不歔歛來不伺睎崇
不幾福不祈可隨可違任譽任非貴知我稀捋百氏兮
芳菲操一家兮杼機雲漢兮手揮朝陽兮髮晞文采兮
翟暈朗潤兮珠璣飄揚兮龍旂激昂兮虎威長而頤咸
其腓舍張孟孺誰與歸

方子謙象贊

有序

大泌山房集

卷之一百二十五

贊

八

有

方子謙以其寫照示余而飲淚言曰余骨相之屯也寧
虞有今日蓋先人以遺腹生年未三十而沒余財六齡
余弟亦以遺腹生藐焉二孤方氏不絕如髮此一疋也
羈貫成童卒更租挈沓至家靡有子遺耗矣狗馬病與
歲俱積弱不勝衣當風則偃此一疋也今年踰六十有
兩子鄉學能自立有二女長事余孝有四孫日著膝分
甘爲樂弟亦有三子有二孫家差增於往天其或者哀
先人留所有餘不盡以貽後人而俾之長受血食乎余
豈敢自多欲令子孫知生於憂患之不易也使君幸惠
教焉白香山有云富於黔婁壽於顏回飽於伯夷樂於

榮啓期健於衛叔寶君子謂之達人之言子謙似之矣
因爲之贊以貌取人舉一廢百與君久要請陳夙昔孩
提蚤孤夢啼寤擗淚枯匪莪色慘攀柏閱子鴟鶚哀人
虺蜴杙上之肉幾何不腊父有遺書于焉衣食兀兀窮
年詩乃成癘屠龍彈技亾羊挾策大繇重困室人交謫
將餽其口四方是適坐隱手談寄趣在奔信指所嚮縱
衡揮斥賈其餘勇挽弓六石命中如樹執升賢獲碣石
之宮名聲薰炙七貴五侯坐虛左席或塔隱几或笑岸
幘鳳德豈衰鼠啄空嚇道遙人世惟幾兩屐江漢河汾
蜀都閩陌馬識窮途駝知泉脉稽古博聞索隱探賾碑
大泌山房集 卷之一百二十五 贊 九 有

臥以看被穿于畫科斗盤孟蠹魚鳥跡理九牛毛味千
雞距六義淹通四庫擣撫懸之國門其誰能易筆以冢
成池以墨積蒲葵練裙寶於琪壁陸羽茶經王濛水厄
是爲知己謝彼歡伯外韞內韞寸田尺宅浮丘洪厓左
挹右拍徐邈介通蔡蒼夷白碌碌非玉落落非石在彼
無惡在此無斃承露幅巾大布逢掖列仙之癯不盈膚
革精神王長符采瑩澤頎頎碩人振振嘉客鄙哉曹商
槁項黃馘詔君子孫願諛敷繹羸者翁也光于宗祏其
言有物其行有格

此故文學汪道川先生之象也冠頰然進然布衣方領
峇然褒然深深然規矩繩權衡秩秩然綸結依然履
便然兀兀然其服也顙嶷然眉信然眸子瞭然下豐然
神氣澄然澹然儼然壯然褻然葦然昭昭然蕩蕩然其
容也夫服衷之旗也容德之符也君子服其服則文以
君子之容君子人與君子人也

俞羨長象贊

山澤之儒形容不癯其體魁岸其目懸珠豐頤哆口方
面圓顙傳昭學府陸澄書厨本領誠大心計靡麤言捋
英華言咀芳腴爲九流匯爲衆說郭風雅騷賦準繩楷
大泌山房集 卷之一百二十五 贊 十 有

模六朝及唐畧瑕取瑜題滿青竹吟據碧梧帶吐綬鷓
裘粹白狐雕龍神異倚馬須臾坐上栢梁紙貴洛都開
宮碣石列第莊衢行羶斯附德鄰罔孤王侯卿相擁篲
先驅豕交獸畜禮謝虛拘恥彼疵賤偃僂聳喙知如炙
輶銳如僕姑酒人劍客牛僧狗屠輻輳並進或吹或煦
十千買醉百萬呼盧冶容薦枕艷曲騰觚走犬惟鵲鬪
雞則株然諾何侵久要何渝何炎何涼何苑何枯聲子
班荆徐穉束芻晏嬰脫驂荀伯送帑四方所事蓬矢桑
弧藜牀蠟屐籃筍舫舫佩者櫛具曳者檐榆繻棄關吏
囊負奚奴三秦三晉三楚三吳五鎮五嶽五溪五湖仰

扣蒼穹俯括黃墟相宅相冢若契若符詩傳繪象文啓
迷途借箸運籌聚米成圖得時而駕橫海平胡瓠呼誰
用玉美誰沽倦游汗漫歸宿伊蒲放生施食音梵拜膜
香惹旃檀味入醍醐空卽是色無有無無百年強半日
異月殊俗與浮沉道變隆汗俠者氣槩長者步趨處士
標致國士謀謨執苑雄傑法苑高徒不學一家不守一
隅卓犖畸人廼產菰蘆羨長厥宇受姓曰俞

胡汝濟象贊

其標格勁挺峨眉之甲九州也其蘊蓄深長二江之帶
雙流也其意氣軒舉三峽灑瀨之奇也其韻宇溫文濯
大沁山房集 卷之一百二十五 贊 十一 有
錦浣花之秀也其精神沉定青羊玉局之仙也遠而望
之不知誰氏之子迫而視之安居胡汝濟甫也

丁南羽象贊

嶷然如山曠然如谷泊然如孩溫然如玉萬象生身千
秋貯腹詩賦圖書金石縑竹咄爾乾坤大布衣人所應
有事皆足

許才甫象贊

而鼎角而疎眉而眸炯炯而顙頰頰膚瘠而骨立鬢鬢
微髭嗒然如喪所守穆然如有深思汎然如無所繫退
然如不勝衣勃然奮坦然夷盎然實恬然熙玉質金相

龍章鳳姿微許太嶽之胤其孰能與于斯

金子實象贊

而神脩然而容溫然隱無與俗捐儒無與名牽賈也取以廉俠也養以恬鄉里稱爲善人沒而可祭於社此兩言者惟君其有焉

南園劉翁象贊

有序

南園翁者今行省叅議劉君王父也翁世家永新國初從高祖兄弟嘗同舉進士至翁治經術不輟而會邑田賦不均長賦者往往喪其貲族人察翁才且素封推爲田部翁之稱田部可四十年折節務爲恭儉菲飲食惡

大泌山房集

卷之一百二十五

贊

十二

有

衣服見兒童走卒引輿鈞禮自租挈外不橫索人粒絲貧者交口誦德焉晚年家益饒自奉益薄而益好施予人有乞假當食輒吐鋪應之曰彼且待命于我卽食能下咽乎其施不擇疎怨里中子莫詬數句貸翁亦數折券棄責無愠也春秋九十有一高矣社父老以翁祭酒與人子言依於孝與人兄弟言依于弟少年節裘馬徵逐酒食者絕不與會以是或非譏翁翁不顧身旣中廢儒則禮鉅儒甘先生爲師訓肄諸子弟甘先生繇此顯名而翁丈夫子三人伯子以叅議君貴封大夫叅議君

兄若弟若子孫輩數十百人獨君蚤顯舉進士拜郡李

以高第召入給事中累闕閱迄今而日孜孜率祖攸行
無或失墜因自號曰念南有詩人陟降庭止之思焉問
出翁遺像授余一覽而知其非今之人也叅議君顯庸
昌熾豈朝夕之故哉乃爲之贊頽然若傾瞿然若捧盈
善無近名在我醜不爭是以施及子孫而有奇贏人棄
我取人取我與人不足我補物無常主共吾與汝是以
散不病窶貨不待賈富而安處爲衆甫甫不爲利疚不
與接爲搆以心聞來不奔奏往不宿留居鶉而食穀環
中左右天倪先後是以神無漏形無仆以介眉壽柱下
三寶翁也深造封人三祝翁也戩穀雖無老成尚有典
大泌山房集

卷之一百二十五

贊

十三

有

刑以勸爾後生先民是程

吳伯實象贊

神王而貌則癯夙慧而容則愚和光同塵涅而不汙韜
躬履方達而不拘隱於賈逃於酒寄於禪歸宿于儒事
父母夔夔如友兄弟怡怡如伯也字實仲也字虛以其
虛虛實以其實實虛君子人與

丁長公象贊

氣雄而沉骨劫而清貌溫而文虬髯鶴形瞻矚高而無
營位迪功郎而以隱者稱隱不廢賈賈而有俠列聲俠
不廢儒儒而兼居士與髮僧吾莫能爲之名余友潘景

升汪永叔言曰此吾鄉人其姓丁其名潛其字子昭其號省吾先生

孫希珮象贊

其幹長其顏張其眉揚其目昌其色蒼其骨強其神颯智爲囊慈爲航產冀方而江陽而錢塘何不臧如故鄉賈客裝俠士場儒生堂道人房和其光與頡頏鮮方將治厥良木千章猶帷荒齊彭殤身世忘髮斯黃耄而康杓庚桑游天閭豈云亡

汪元蠡象贊

美鬢長大則賢伎藝畢給則賢巧文辯惠則賢疆毅果敢則賢何不曼衍以窮年寧爲玉碎無爲瓦全惟不狃於面而仁於心是故有道之士稱焉

又

折節而爲儒雍容閒雅甚都安得司空城旦書有韎韞之跗注君子者乎生之徒死之徒瑜不掩瑕瑕不掩瑜

又

而豐頤而于思胡旤之離而流眎而揚已侈故之以博物洽聞排難解紛卓爾不羣有子食貧母詬先人懿德是遵

崔羽長象贊

大泌山房集

卷之一百二十五

贊

十四

有

頤而軀美而髯若鬢方趾圓顙列仙之儒胡居山澤間而不癯將戰勝而肥能如嬰兒乎而容婉而色愉而目瞿洞洞其敬乎屬屬其忠乎孝子慈孫是爲德充符名下無虛士崔羽長其人也夫

吳仲虛象贊

其貌白皙而頰輔朱豐頤而美髯鬚其眸子瞭焉望之顛卽卽之婉愉其良賈耶深藏若虛其俠士耶達節不拘曰姑舍諸其行孝弟寬惠而文學緣飾之君子者儒時而隱時而游時而歸宿于浮屠方且以仁義爲蘧廬指數而名之淺矣夫

大洪山房集

卷之一百二十五

贊

十五

行

邵汝恒象贊

壯于頄豐于肌視不盱睢步不靡匪偉幹瑰姿而中孔夷有酒盈卮有書盈執據槁梧枝有無成虧墨瀋淋漓五采彰施草聖畫師其名四馳弁冕端委折節肩隨跨天下而無靳孝厥嬰永言思推所爲及孤嫠民秉彛曹好之父室艾菑子裘子箕史作贊辭爾穀世貽

程君衡象贊

其尺宅方而下豐其膚革充盈而炯然雙瞳敦兮若樸豫兮若涉川於冬深兮若淵溫兮若春融融衣錦尚綱守雌知雄和光柳下避世牆東是有先民長者風

邵長公象贊

廣額高顙豐下巨肩其體魁然盛氣闐闐智如轉圜中
如應弦赴義如水就淵千金萬石如芥可捐賈而儒周
旋以爲飾緣隱而仕衣冠以旌厥賢盧江受廬海陽歸
田彼有人焉軒後輶前目之曰大丈夫誠然

師伯子象贊

鴻大魁岸顏如渥丹貝齒燕頤體竟芳蘭神清膚清杜
衛之間高引松風揚休玉山石畔梧陰巾烏衫紫囊琴
篋書雙童作使爐烟鵲尾談柄麈尾副是腰腹出言有
斐秦人楚客楚語秦聲不名一家衆所指名周道挺挺
我心局局請采斯語贊爾圖形

大泌山房集

卷之一百二十五

贊

十六

有

胡處士象贊

有序

南林胡處士蓋儒而隱于耕者也子可爲孫念卿並以
明經隸博士籍所居羔鴈之贄墮戶不佞有弟四人俱
從可爲受詩而先世絲吉水徙與處士同貫處士又與
先王父生同歲往可爲在家塾所得月奉時時市酒脯
以膳先王父蓋若父事之云處士先王父沒三年年
八十有三更十年而可爲出處士像視不佞雖無似竊
嘗學詩學禮矣無念爾祖見似目瞿遂爲之贊曰正于
衷奇于形淵以深清山以高靈灑于容腴于腹飲若鯨

虹嘯歌自足詘于身亢于意飛鴻冥冥王侯不事名于
農實于儒蹈素服初右書左圖黠而頡美髯鬣深衣帶
垂危冠履綦丹青可施其所不施視此贊辭

吳次魯象贊

有序

文選有贊有史述贊俱四言韻語所載斑孟堅漢書述
二帝紀五臣傳三贊今本目稱叙傳孟堅云述漢書爲
春秋考紀表志傳凡百篇其序曰云云顏籀謂自皇矣
漢祖以下諸序皆自論撰漢書意依放史記序目耳史
云爲某事作某本紀作某傳班氏謙改言述學者不曉
因謂此文追述漢書事呼爲漢書述摯虞尚有此惑餘

大泌山房集

卷之一百二十五

贊

十七

有

何足怪然則文選謂史述贊亦非也實叙也且漢書各
紀傳後自有贊曰皆散文叙傳不應復贊贊不必韻語
明矣友人吳次魯屬余贊象余因以班書體爲贊昔人
評名士容止則飄如游雲矯如驚龍肅肅如松下風閃
閃如巖下電德性則如登山臨水幽然深遠如瑤林瓊
樹自是風塵表物如入宗廟但見禮樂器如渾金璞玉
皆欽其實才藻則爛如披錦無處不善如初發芙蓉自
然可愛如流風迴雪婉轉清便如落花依草點綴映媚
以目次魯無媿辭矣

王孝伯濯濯春柳李供奉軒軒霞舉憶其人而不得得見孫五仲父今之人寧渠不如古此肖貌耳德行文學言語善畫者莫能圖在倉曹肉譜

張氏三世象贊

此張氏三世象也其身中人而貌腴而多髯八十曰耄者山隱公也其身偉而貌稍腴而修髯七十曰老而加五者山隱公之子古峰公也其身頎然而貌稍腴而鬢鬣微有髭年六十有五而神王長者古峰之子見龍公也此象所可見者其治形家言三世所同也其人與古爲徒與天爲徒不逆寡不雄成不暮士無得而名焉者大泌山房集

卷之二百二十五

贊

十八

有

是山隱公之行也其人修父業而精之手纂羅經探願索隱辭理雅馴見賞于雲間儒宗更善養生老有孺子色者是古峰公之行也其業與父齊名所游覽數千里爲家督當戶俾其弟與弟之子專治經術爲博士高第弟子其子亦儒雅不羣者是見龍公之行也皆象所不盡者也其爲之序而乞言于四方者外生丘進士元禮也其以不腆之辭爲大方前驅者不足齒之儉也

孔願之象贊

兩小兒侍

其宗國魯其世家吳其系素王其交文儒其神散朗其色敷腴吏而能隱知而若愚談笑多聞侷儻無拘駒名

千里蚌出雙珠日三摩挲樂矣夫

受質甫象贊

貌則癯矣而氣勃焉骨則劬矣而容溫然炯炯而目屹
屹而顴眉有紫芝舌有青蓮千秋人物萬里山川烟霞
景換花鳥時遷色取成畫聲取成篇揮塵而談枕書而
眠覺則徐徐行則翩翩吳門故里白門新屢隱不違市
耕不在田游方之外象帝之先佯狂玩世曼衍窮年其
姓爲受靡驅以前名素字質文采實妍贊無虛美庶幾
永傳

許君象贊

大泌山房集

卷之一百二十五

贊

十九

有

有君子頎而長黥而黑髯戟張眸子瞭然曠如望羊玉
色孚尹山立顯昂胷中六微技肘後千金方養親不求
仕利人不祈償孝慕終身行此一鄉是謂名是謂良積
善餘慶積厚流光宜爾後昆熾而昌

程季公象贊

方面豐頤白哲美髭曙星在目石稜在眉神采秀徹容
止委蛇紫衫皂帽帶厲履綦風塵表物山澤間儀見賢
若渴樹德務滋泰而能約積而能施哀此筑獨衣寒食
饑宗族鄉黨各有等衰江淮千里潤澤同之道無行乞
野無轉屍與人靡競正已靡虧左貂牙距厲色以麾守

今貴倨非招必辭儒不詬病俠不恣睢君子有穀後人是詒具瞻遺像永言繹思

徐山人象贊

而容崖然迫而卽之暖玉生烟而腹便然而口訥然錦囊金匱非其人不傳而雙眸炯然旁羅日月星辰水波土石無或愆而髮種種然渥丹其顏而犀顛巖然一面之神宗泥丸始而儒中而汞鉛已而形家晚而逃諸玄其生也孿弟難爲後兄難爲先饗朝霞餐飛泉斯其爲人貌而天歸營武夷將終老焉後千百年有貌子者希不擬於列仙

大泌山房集

卷之一百二十五

贊

二十

有

汪永叔象贊

清揚而婉密理而粹皂帽紫衣卹節閭易少不爲佻能不誨伎貧不廢遊醒不厭醉江湖心遠詞章興寄周鼎商彝秦篆漢隸古人與稽今人左次

顧生象贊

軀昂如髭鬚如口敦如目燦如其神全其骨堅其年先其髮未宣意氣翩翩舉止僊僊論議便便詩如初日芙蓉笑風前書如羣鴻戲海鶴摩天飲如長鯨吸百川嘯如鼓吹山谷傳時椹褐綸巾時歌扇舞茵時江湖隱淪時京洛風塵時俠客時酒人時禪伯時道民貌爾真擬

爾倫署曰三十六帝之外臣

潘生象贊

移體者養乎胡養豐而若山澤之癯移氣者居乎胡居積而若絃誦之儒如紫石稜如巖下電者目乎長如戟離離如綠坡竹者髯乎張乎其不華而虛與乎其不堅而觚衫微朱中小烏隱囊如意茗椀薰鑪作吳音歌吳趨得一先生之言暖暖姝姝吾友景升呼爲阿咸者夫

余君象贊

舟車所至經營四方者男子之事也不貢非幾不侵爲然諾者丈夫之氣也無衣錦繡綺縠締紵屬者時王之制也則而象之貽以令名者哲嗣之義也

金子長象贊

豐者願巨者顛益者背美者鬢潤者步盈者膚碎者面烟者矚胡卒瘡胡遽俎父母勞劬擗踊號呼血爲青蚨覓爲慈烏嗚乎孝矣夫

邵生象贊

肥白如瓠若張蒼身體鴻大若王商眉目疎朗若崔琰土木形骸若稽康善鼓琴工繪事能文章左振童右名倡酒無量樂未央牛僧狗屠材官蹶張逸民羽士徹侯諸王何所不入久要無忘何用不減非儒非俠非介非

大泌山房集

卷之一百二十五

贊

三

有

狂斯其爲萬夫之望

朱長君象贊

美少年公子翩翩馬怒而衣鮮鄉曲之儇葆力之士捲
捲中聖中賢拍浮酒舡屢舞蹀躞墮鳥遺鈿激楚之結
獨秀先爲晝夜呻吟作異爲就伎人拊絃樗蒲博塞千
金可捐蓮花七十驍玉女嫣然燕戲射覆藏鉤手拳心
計計研輸財助邊炙轂髡天口駢軒後而輕前畫顧癡
草張顛亦服官聯去之若釋拘攣狐綏綏蠋蝟柱下
方書圮上一編日瓊池月藥淵龍火汞虎水鉛伐毛滌
髓其或遇焉玉華金液雲母雌黃儻得其傳鬢垂腹腹
大泌山房集

卷之一百二十五

贊

三

有

垂腴便便目炯炯然皙頰高顴積功滿千雖過可仙童
初易遷夫何慕于大羅天

余世積象贊

爾幹則脩專氣致柔爾貌則皙知白守黑膚革無盈而
匪每生豐於家具服初蹈素子有箕裘弓冶貽謀爲爾
寫照踐形維肖

吳無斲象贊

骨相峻嶒謂爾高僧長髯拂膺持籌算緡謂爾賈人瀟
灑出塵游俠意氣儒生行誼文士風致在彼無惡在此
無斲以永終譽爾多交知有斐贊詞我取諸詩

吳逸士象贊

昔者方舟轉轂冠帶衣履天下飲然若不足令也考槃
隱居冠帶衣履歸之約素充然若有餘謂義勝而肥則
何以似山澤之儒形容甚癯太史公有言以未致富用
本守之其斯人乎

姚翁象贊

叢桂小山種瓜故侯淮海維揚多隱者流異哉府史由
聞思修為良其背無壯于廡牆東避世豈必林丘婦有
椎布子有箕裘天地委蛻人何所謀大知大年日逍遙

遊

大泌山房集

卷之一百二十五

贊

二五三

有

金叔子孫孺人象贊

豐豪而不過麗珍吾以為袁隗馬倫耕織相將吾以為
員期耀孟光才情雙映吾以為王凝之謝道韞動有禮
檢吾以為王渾鍾琰教子不義者不食之吾以為羊舌
子叔姬婚姻無取颺晏吾以為杜有道辛憲其子文佳
文暉拱而以告是吾二人傳神肖貌也

程祇程偉婦贊為程茂才母壽

穆姜溫仁六子式穀州郡察舉門戶除復春秋之社致

酒與肉基特雋逸二千石祿祝母如之以介景福

右程祇妻

期門郎婦變化通神兩縑自至投藥得銀道不可傳必

俟其人泥塗裸走歸于上真祝母如之無量三身右程偉妻

吳媪象贊

為賈也婦者不為賈也母為儒也母者亦為儒也父賈所遇耶儒所慕耶鼎取新革去故耶凡今之人胡不象此媪耶

姚媪象贊

藐姑射山有女淖約于歸廣陵相攸孔樂孔樂維何姚宗舜慕自他有耀媪姜合作如鳳和鳴勝揚州鶴子孫繩繩增其式廓偕老天年一樹百穫勿替引之蒸嘗祠

檢

大泌山房集

卷之一百二十五

贊

二四

有

吳媪象贊

豈不從夫貿遷有無無競於綵銖豈不將雛無為息若姑擇地而趨與多為及寧儉為儒則賢明者乎則母儀乎爾子爾圖中壘其舍諸

木母贊

家人有嚴君焉為母入于其宮聞其無人三歲不覲小子厲厲薰心遇其妣天際翔也躋于九陵擬諸其形容木道乃行為木為工為準繩象也者像也故稱乎母易知則有親渙有丘匪夷所思不出門庭後得主而有常視矍矍可與佑神人謀鬼謀二簋可用享其道光明子

克家食舊德是以元亨受茲介福于其王母利干不息
之貞

右集易

母兮鞠我昔育恐育鞠恩斯勤斯畜我不卒死生契闊
方何爲期無母何恃涕泗滂沱怒如調饑今夕何夕慘
執子之手兮教之誨之寤辟有標壹者之來不可求思
乃占我夢我儀圖之碩人其頤伐木椅矣方斲是虔攝
以威儀資我思成其容不改象服是宜路寢孔碩將母
來諗吉蠲爲饌靡依匪母陟降庭止則不可推母也天
只昊天罔極日鑒在茲

右集詩

畫道人讚

大泌山房集

卷之一百二十五

贊

二十五

有

遊方之外鬢鬢飛蓬首南極老面白猿公雙眸炯炯八
達四通懸珠方朔閃電王戎學佛千眼希聖重瞳傳神
寫照在阿堵中

大方象贊

有序

曇濟道人於八公山設茶茗豫章王子尚味之曰此甘
露也李供奉云玉泉有茗枝葉如碧玉清香滑熱還童
振枯惟真公采飲之金陵僧中孚有仙人掌茶錢起集
長孫宅與郎上人茶會覺林院志崇茶有驚雷筴萱草
帶紫茸香雙林大士結庵蒙山頂種茶絕佳者號聖陽
花文了善烹茶奏授華亭水大師目曰乳妖沙門福全

能幻物象於茶湯面蘇子瞻乞大冶長老桃花茶西域
僧金地藏植茶出煙霞雲霧中稠錫禪師住南嶽寺飲
眞珠泉曰此可烹桐廬茶未幾白蛇銜子墮寺前由此
滋蔓茶味倍佳此名字可考者也其不知名若隋文帝
腦痛遇僧示以山中茗草服之當愈劉禹錫有西山蘭
若試茶歌建安能仁院僧造茶名石巖白唐大中時東
都進僧百三十歲性好茶百碗不厭義興僧獻李栖筠
茶芬香甘辣因進上萬兩蒙山病僧服雷鳴茶眉髮紺
綠或茶以僧顯或僧以茶著豈有宿緣乎何不一而足
也余鄉竟陵僧於水濱得嬰兒育爲弟子稍長自筮遇

大泌山房集

卷之一百二十五

贊

二十六

有

蹇之漸繇曰鴻漸于陸其羽可用爲儀遂姓陸名羽字
鴻漸精于茶作茶經積師非漸煎茶不鄉口代宗餉以
茶一啜而罷訪羽召入賜師齋俾羽煎茗一舉而盡曰
有若漸兒所爲於是出羽見之其異如此羽蓋少爲僧
晚始稱桑苧翁竟陵子東園先生耳今新安松蘿茶出
自大方名冠天下而大方亦服隱士巾服鬢髮美鬚翩
翩仙舉矣客有以其象示余者余聞宣城何子華見巖
峻畫陸羽象曰古有馬癖錢癖譽兒癖左氏癖此叟溺
于茗事何以名其癖楊粹仲曰茶雖珍未離草也宜追
目陸氏爲甘草癖大方與季疵出處極相類余取季疵

茶品語贊之曰如浮雲出山者輪菌然如輕颺出水者
涵澹然此茶之精腴者如竹籜者簾篔然如霜荷者
萎萃然此茶之瘠老者也大方趣致姿儀亦若是則已
矣

香林上人贊

爾味醍醐而貌何濯爾衣忍辱而容何蹙視死如生是
未忘情不如速朽空諸所有

雲峰道人贊

雲以峰生峰以雲蔽蔽盍成嫌生盍成惠行雲峰出歸
雲峰宿出者何竅宿者何窟雲無常蹤峰有定體孰佚
孰勞孰成熟毀三問道人道人不語遙指前峰白雲如
許

相人僧贊

色卽是空空何所住空卽是色色何所去觀空不能女
亦空故觀色不可女墮色趣天龍一指曹溪一句一句
莫談一指莫豎空色俱無無覓觀處

人心不同有如佛面千萬億化化以身現五十二叅叅
以目斷無我相生無人相眩見性明心慧眼如電老僧
無盡要在不見作如是觀作如是贊

古林象贊

旣祛六滯亦勛五情革囊難試穢尸敢行垢盡知昭敷
極慧明安汰玉吐斌亮金聲身從有漏理得無生我作
斯贊何相何名

四賦贊

有序

襄王以好士聞士工一技者樂從之游吳人張畫史將
見王謀諸不佞摘文選中宋玉謝惠連謝莊四賦使圖
之而永嘉方生書賦其上按高唐賦首言朝雲狀因假
以成風雲月雪四景而各爲之贊揚子有云詞人之賦
麗以淫贊悉矯而傳諸理腐儒哉蓋與貴者言失在近
調不欲以調事王王其比于四墉之觀班伯之讜可也

大泌山房集

卷之一百二十五

贊

二十六

石

詩有六義其一曰風政殊家國道判汗隆太史采之合
六律同管絃金石九奏颯颯乃問康衢乃宅合宮庶人
傳語王聽斯聰遐邇一體聲應氣通天籟吹萬道在用

盅疇是無雌而能獨雄主文譎諫請折其衷

右風賦

朝雲西濟蛸竦從之南有蒼蔚山則蔽虧妖冶蠱心婉
變調饑維彼帝女是名瑤姬高唐之觀道路嶮巇見必
齋戒擇日差時不可犯于薄怒自持行雲行雨化無常
期人生若夢戀戀奚爲寓言十九國之良規

右高唐賦

君象惟日臣象惟月月雖代明蟾兔時歿退讓韜斂微
于秒忽煑豆然箕陳思覲跪乃作感甄以相凌突通親

自試氣奮色勃飛蓋西園靡晦靡屈修儀之刁間不容
髮希逸斯賦有爲而發蔽以四言示冲警闕

右月賦

漢梁孝王其種隆準千乘萬騎警蹕禮絕財貨充牣游
容填噎廣築東苑鼓倡杵節亢極恣睢俛得無滅謝生
懷古爲之賦雪雪汰萬象太素藏拙見晁聿消變幻一
覲富貴豪華我躬不閱作如是觀郢書燕說

右雪賦

鳳林圖贊

是通天文者明審地里者昌邁昌明而來下于彼高岡
于彼朝陽者耶是負信戴仁挾義膺文行不侶處不羣
其象燕頷天老所云者耶是足履正尾繫武小音金大

大泌山房集

卷之一百二十五

贊

二十九

有

音鼓者耶是其翼若干大司馬容光臨觀者耶是膏爲
連金泥屬弓弩刀劍百折不變者耶是絕雲霓負蒼天
擊九千里飲砥柱濯弱水者耶是煥質暄肌片毛千金
胡霜朔雪所不能侵者耶是鶉火陽精而有威儀授以
離珠食以瓊枝者耶胡不聽帝詔止帝梧授帝璽奉帝
圖搖曾翮而去之津玉池野廣都丘軒轅山南禹將耆
造德不降鳥猶而逋是以鳴不歸嬉而提扶抑知我唯
黃今也則無隨蕭孟虧而逝將居九夷而嬉娛弄玉爲
偶鸞鷺爲雛自歌自舞自得天樞彼楚狂生曰何德之

衰吾知兔夫

蕭孟虧博望志作孟舒國名民人首鳥身其先主爲雷氏訓百禽夏后之世始食卵

九鳳圖贊

丹穴南禺鳳將九雛瓊枝之實飼以離珠飛九千里而鳴郎都皇帝太平乃得天樞覽德輝下集于帝梧上有九榻下有九枸如彼建木枝葉相扶簫韻九成來儀庭隅聲中律呂唱于唱喁率百鳥獸載踰載趨白繩玉檢爰授帝符中宮玄扈爰授帝圖皇帝受祉與天地俱詩書有作召雅益謨

鳳諾圖贊

丹穴之山有鳳將雛其名鸞鸞飛集帝梧赤玉授璽玄

大澗山房集

卷之一百二十五

贊

三十

有

扈銜圖翼干聲簫帝心則愉無忝所生瑞叶軒虞乃睠池上絲綸縈紆象彼鳳毛洵美且都以章鳳德與凡鳥殊行鳴歸嬉止鳴提扶天籟因應迹岐道符

水利圖贊

溥彼韓城襟帶濂水象山之石壅閉湫底其下土惡厥淤泥滓鑿石成渠馳波順軌亦有陂池爲腹爲趾視時鍾洩畎澮疆理淫雨亢陽勢不得使歌屢豐年寧我婦子疇建此畫維蜀馬氏鄭國白公鼎足三峙

榆溪釣徒贊

揭竿累者難得大魚胡獨繭綸乃引盈車龍伯六鰲合

負而趨使仙聖播遷胡不虞帝怒身滅國都北固之下
日取鱸四十七會稽東海餌五十牯胡期年不獲一龍
陽垂涕曰無棄前胡陽鱈先至驅而避旃愛者鱗長者
鯁不用命者入網胡擇焉徐而無駭縱而隨之胡可制
而後牽螯笏鬻泔鼠留果罩罨算錘銛機事紛然胡得
而忘筌漁師不得得亦不賣胡置親故門內而不爲怪
食不盡餘不售棄之可惜胡獻之則受胡小胡大胡先
胡後胡多胡寡胡舒胡驟胡仁胡暴胡天胡壽榆谿有
釣徒者就而問之仰天而噓寓言荒唐安足辯歟黃河
西來千里一曲吾守鯢鮒安此灌瀆

大泌山房集

卷之一百二十五

贊

三十一

有

三教逸史贊

唐大曆中有韋處士隱居鍾山號遺名子三教會宗其
堂則爾誰爲顏者顏清臣氏明閩林生大暢厥旨蜀趙
文肅擘肌分理經世出世合爲通紀未見其人聞其語
矣杜君將種長于邊鄙勇邁終古蒼頭特起歸依三教
自署逸史逸何以故中不偏倚史何以故掌書而已函
三爲一一復何始無名無相無表無裏無合無離無非
無是無前無後無成無毀逸史之義儻取諸此史作贊
詞駢拇枝指

形家言贊

以管窺天以蠡測海稗瓦甃道胡不在口決江河曾
填塊磊恢恢天網冥冥真宰無所得聞亦何解

泉石松芝圖贊

其節貞堅其儀靜專如石不遷其室堂構其宗芘覆如
松之茂其祥源濬其澤施潤如泉斯浚其受靈長其奕
葉芳如芝煌煌物有極則人有至德維天豐殖壽母令
妻古也與稽今也與齊以史以圖令名靡渝世世楷模

松芝蘭圖贊

商顏療饑曰有紫芝秋蘭為佩沅澧種滋謾謾松風句
曲聽之丹青三物用祝爾釐多壽多男而多文辭好是

大泌山房集

卷之一百二十五

贊 三十一

有

懿德榮名靡虧

萱石圖贊

北堂有蕙是宜男子象母之賢含芳霍靡子克將母母
也天只百順聚斯眉壽燕喜南山有石不淄不磷象母
之賢貞而篤信砥德靡虧韞玉滋潤永言奉之庶無災
疾

通中雕玉簪贊

集易

為玉為白為圓為長為通為文其於人也為柄為指為
首為進退入而後說之象曰勿疑朋盍簪蓋取諸豫

九卦贊為點易亭主人壽

事變不齊當者易眩惟素履往獨行所願說而應乾柔
而履剛請壽以履其旋考祥 惟賁尚文文明須止束
帛芟芟六五有喜白斯無咎是爲得志請壽以賁攸往
有利 天地之心復則見之彼迷復者災肯用師不遠
無悔休復之吉請壽以復出入無疾 言語必慎飲食
必節由頤厲吉大川利涉觀其自養曰在養正請壽以
頤上九大慶 天地之道恒久不已利有攸往終則有
始恒亨無咎下柔上剛請壽以恒立不易方 裕何無
咎曰未受命受茲介福以其中正摧如愁如占皆貞吉
請壽以晉自昭明德 顛趾出否慎我中實金鉉而玉
大泌山房集 卷之一百二十五 贊 三十三

斯爲大吉以木巽火耳目聰明請壽以鼎養賢大亨
時止則止時行則行動靜不失其道光明思不出位言
止諸躬請壽以艮敦吉厚終 維順以巽終莫勝之鴻
漸于陸羽可爲儀大象伊何山上有水請壽以漸居德
善俗

金一甫象贊

頰者頰清者臚渥丹者顏珂雪者鬚實其腹貌則癯強
其骨色則愉詩有唐瓢畫有顧厨文窮鍾鼎筆學盤盂
千金繫肘七焰生爐杖挂百錢舟泛五湖敦兮若樸質
真若淪專氣致柔能如嬰兒乎斯老友金一甫矣夫

魁然者身儵然者神望之磊落卽之溫醇長裾廣袖文履角巾非百姓家爲肺腑親非王子侯爲市井臣其毛威鳳其趾祥麟其學闕覽其詞雅馴宿儒莊士狂生逸民青紫之客緇黃之倫可以師友可以主賓牛儉狗屠劍俠酒人獵場鞠域歌扇舞茵可以入魔可以同塵名園勝地良夜令辰胡床蠟屐白舫畫輪竹中花下石上水濱可以永日可以浹旬破除我相爛熳天真何成何毀何慢何嗔何境不適何福不臻是且超三千之上界奚羨封十二之東秦

大泌山房集

卷之一百二十五

贊

二十四

有

謝職方象贊

二十四年登賢書于鄉更十四年升于巖廊其達也成章其任也強一令越再令燕治行循良無子公借力無曹丘游揚于京得陪于官得郎爲錫處後不割爲方爲眞若渝不耀爲光謙受齋取是宜長發其祥有貴者相有壽者相形法相當胡生四十四年而二豎厄之膏肓天難諶斯予奪無常沒四十二年而有孫爲之表章繹思追象于此縹緗孔德之容如圭如璋常目在之豈必影堂愛存慤著在上在傍繩其祖武令德孔彰人貌榮名死而不亡優孟虎賁何足以臧

雪坡道人象贊

異哉道人知貴不如賤富不如貧故能忘名知生不如死故能忘生有詩有畫三昧遊戲如樸社樹彼亦直寄遺象在焉事之無替知爾所保與衆異也將以爲不知已者詎厲也夫無名名之至也無生生之至也猶之逃兩無之非是此之謂人間世也

鄭治中象贊

君宅衷醇粹吉祥止止瞻彼闕者虛室生白何以若邑中之黔實慰我心也君味道之腴不以身役物不以欲滑和貌勝而肥何以若列仙之儒居山澤間形容甚癯也君直躬而行意氣激昂卽班行步武不欲失尺寸何以搏節退讓貌若不勝衣也君多文爲富苑鴻裁獵豔辭何以恂恂如凡人造次不能以言自達也君端簡公孫以若祖所易名者名君按之影堂與脗合矣

陳廣文象贊

爲人弟子五十餘年爲人師財五年十一上京兆不第六十九明經入燕七十二始仕座客寒無氈王門可曳長裾胡遽委焉八十五考終命其迹若游仙其悟若安禪其文成編其行罔愆是則公生平傳神者所不盡傳

鄭丞象贊

爲儒如張玄好客如孫堅人無負丞焉丞無負人焉壯
而欲行之胡強仕而舍旃有事不能下邳有詩不哦藍
田顏渥丹碎然髯疎秀飄然少則多曲則全身中清廢
中權吾知爾之曼衍以窮年

郭建初象贊

有隱君子脩髯聳顙身朝霞舉目曙星懸粹容白璧古
色朱絃羽可儀遠珠白媚川慧業文人塵世謫仙吮毫
飛采操管如椽周秦以後隋唐以前竹帛金石囊帙槩
鉛家標蓬觀燈吐藜烟閱覽極贖沉思通玄虞初九百
柱史五千雋永屬饜菁華高舉經營意匠超脫言詮雕

大泌山房集

卷之一百二十五

贊

三十六

有

龍繡虎異代比肩于旌子子束帛戔戔鶴書赴隴駿乘
歸燕逢掖倒屣孝廉覓船長歌出塞雄略籌邊驅馳二
廣提挈兩甄獨麾葛扇先著祖鞭請纓虜繫草檄病痊
蝸視國都鷗狎朝賢寧皂而方勿卿而圓鴻冥弋篡駒
謝繫牽從他援止與我周旋於蟻棄知唯蟲能天釣海
非餌買山無錢經庫學府藝圃研田相馬材成養雞德
全真氣占象少微應躔郊屯膏雨井冽寒泉風霜挾字
雲漢裁篇以玉蕤薰將琬琰鐫尊比三達名垂萬年疇
昔寫照美不盡傳我作斯贊識仰止焉

家世受詩而獨治春秋他經史子集靡不淹浹神鬼仙
釋靡不論議旁通星命堪輿相人術者其學博也自舉
子義外爲古文辭詩歌有秀色有雅致臨池法禿素書
衆所珍者其稅工也佳山水必登涉佳風日必遊行佳
友朋必契合對弈對酌日夕忘倦非是則杜門不出掉
臂不顧者其趨正也朝章國故吏治民隱恒所究心憂
世多難預爲籌策秘不示人者其志遠也交淺而言深
過失面數或目爲狂然中無藏怒宿怨人亦信之晚而
務歸長厚者其度宏也以逢掖終老遜世無悶屬續之
時無恐怖無錯謬再書坐字晏然坐逝者其神超也以

大泌山房集

卷之一百二十五

贊三十七

行

明經爲父以進士爲王父爲曾王父以孝廉爲子以民
部郎爲孫其世系也懷虹逸史者其別號也所懷者
其先人也稱逸史者其才名也傳之者其小友也以傳
爲徵而屬舊史贊之者其孫與從孫也

虞公普象贊

窮愁而著書者趙之卿也骨相屯而好學有志氣者漢
之翻也鑽堅研微處靜味道者晉之喜也善屬文作頌
典裁清俊栖遁擬于管寧居貧屋漏舒被覆書書全被
濕者六代之寄與鮪也虞氏故多名士五君最著得公
普而六矣吾不識五君作何狀而公普趨行論撰肖之

因想見五君之爲人豈直優孟虎賁得其外貌哉是故以五君贊公普可也卽以贊公普爲贊五君可也

陳生象贊

彼姝者子齒貝脣朱白皙美髯炯目高顱神情澹漠姿制間都豈必肥瓠豈必魁梧爲仁者士爲君子儒表符其裏知過其軀春秋方富勉旃令圖

汪居士象贊

吾聞色如削瓜者臯陶面無見膚者閔天爾貌似之而行作人杓曰孝友曰義俠其中穆穆其外囂囂磊塊以麴生澆世界以禪境超有子象賢儒爲知臯箕出于弓梓俯于橋諸名士評目在焉何虞乎影滅聲銷

仇生象贊

長軀翹然疎髯飄然健骨挺然明眸炯然望之峩峩然若長松亭亭然若遠峰卽之翩翩然若野鶴矯矯然若冥鴻悠然鳴琴欣然臨池頽然中酒朗然哦詩爲嬰兒爲無町畦達之入于無疵微若人孰能與於斯

吳長公象贊

吾與君無素不識何知人而君之友爲言君敦詩悅禮容貌恂恂聚百順以奉二親施及九族_正樸儉而中節富而能仁病且革授二姪各千金受業成均其子似穀

號爲雅馴信如是吾且擬君於先民君子之倫

張生象贊

其冠進其衣逢有父兄之容有子弟之容詩社推長談苑名宗隸則恬洽兩王箋則蔡李二邕以遊爲隱以學爲農是能操處士之節而善藏文士之鋒者耶

朱生象贊

衣綺紈佩蘭茝鐵如意朱絲躡長軀昂九霄睥目營四海綽約姑射膚清嫵媚章臺眉采我識吳儂其容不改至大畫有生韻音有妙解得趣有琴忍辱有鎧拍浮酒池縱橫戎壘寧爲玉球球無爲石磊磊希魯俠家慕魏屠亥斯則象所不載夫通人名士賞譽之言具在也

羅序之象贊

白晢而鬢目如懸珠齒如編貝布置鬚眉亦勝人其陳子疆東方曼倩王孝孫耶如冠玉如婦人好女文弱可愛其張子房陳曲逆陸士龍耶庇其宇下可忘寒暑如屏風屈曲從俗能蔽風露使人不衣自煖其王眉子王景舒謝超宗耶思懷所通不趨儒域發言遣辭往往有情致十人亦見百人亦見其韓康伯劉萬安江思悛耶成人之美情無適莫若飲醇醪不覺自醉推誠據信不負言誓其李德公周公瑾王仲豪耶坐上客恒滿知友

皆天下有名之士竟日美供其陳孟公孔文舉羊道固
耶國士門風佳子弟不減阮裕舉體無常人事其周伯
仁王右軍王藍田耶以禮處人未嘗卿士大夫弘治推
華子嵩慙量酒歸月下風清琴上江漢崇望杞梓發聲
蟬冕所照更生丰采其陸叔明褚景政庾景行耶望其
貌而察其神今人居而古人稽此吾友羅光祿序之也

程次公象贊

而顛方廣而貌頎長而口輔倩而眉宇揚而立山峙而
視炬光垂紳正笏萬夫之望孝弟恭儉素履有常内美
多能括囊含章斯寫照者所不得詳

大泌山房集

卷之一百二十五

贊

四十

有

梅生象贊

熒目踈眉哆口豐頤匪黔匪皙匪僂匪頎邊韶便腹華
元于思遊行蠟屐坐隱枯棋儒生俠客酒人琴師談傾
滿座書檀臨池既多材藝亦謹滑鉞漢邑尉僊宋都官
詩遙遙華胄有之似之

洪亮卿象贊

而幹脩而骨勁而眸瞭而胷正而容粹而神靜王潤山
珠照乘游竹素嫺辭令畫中師書中聖高座談胡床詠
岸住船室懸磬瘦勝肥貧非病獨倚樓頰看鏡種芝茵

盟木柄廉吏子誰優孟人雖力難衡無皮相善必慶

龍大夫象贊

有序

龍南岡先生以直言極諫爲執政所銜阿邑土指黜之
偃蹇下僚稍遷僉憲事彼其之子復詆先生取媚遂罷
不復起老田間以卒卒三十餘年而仲子大章出示遺
像死者如可作也舍先生誰與歸贊曰其直如矢其清
如水其平如砥其醇如醴中而不倚慎而不蕙優學以
仕順命以俟行無跡弛文無骹骸見邪必觝逢佞必指
鹿角可倚虎尾可履旣齊生死何論譽毀鞠人忒伎謫
居更徙閩粵荒鄙郡丞郡李法守道揆析薪斯地醫攻
騷理斤用體髀勿射隨咒勿淪魚鮪羅勿罹雉波勿涉

大泌山房集

卷之一百二十五

贊
聖一

豕豈弟樂只父母孔邇滄而罕滓蹶而稍起遠投軍壘
以威不軌迺屯戊巳罔呼庚癸蠢茲狗軼走之馬筆狙
詐作使蠻夷率俾凱歌送喜吏飾簞簋民安耒耜兵燹
弓弭功誰爲紀憎加瘡痂歸與蓬累渙乃奔机震寧喪
七浮雲脫屣不怨不以峩冠也頰振袂也移烏則几几
俯而非痺瘠而非臬目鏡顧謐身山聳峙順應者耳仁
厚者趾斷斷無枝亭亭無比睦諧鄉里歸從若市衣鮮
披綺食纔得毀沒發遺匱三鏹而已瞿瞿良士一德終
始訓詩訓禮有橋有梓八人才子荀星聚矣武繩毅似
佩玉藥藥達尊德齒瞽宗秩祀大方贈誄特書青史芳

儷蘭芷寵踰朱紫高山仰止寫照誰氏觀表知裏贊辭
爾爾於其倫儷猶龍近是

史戶部象贊

子太叔美秀而文陳武子白皙而鬢司馬相如閑雅甚
都馬援眉目若畫稽康松風徐引夏侯玄日月入懷杜
又清標令上劉萬安灼然玉舉石苞無雙謝混第一吾
聞其語矣吾見其人矣其人伊誰齊民部郎史紹卿也

孟戶部若木象贊

不必秀羸若孫叔敖而號稱循吏不必肥白若武平侯
而名爲計相不必長大若陳孺子而知略有餘不必玉

大泌山房集

卷之一百二十五

贊

四十二

山若裴叔則而神明殊勝不必土木若嵇叔夜而天質
自然不必磊砢若和長輿而材任棟梁不必巖下雷若
王濬冲而雙眸洞徹不必殿前柳若張思曼而風流可
愛不必鼎角若李子堅而勅挺無回不必便腹若邊孝
先而閱覽博物嘗讀其書潔淨精微駸駸聖域今觀其
容溫柔敦厚藹藹吉人聞之子輿氏養氣者集義盡性
者踐形根心者生色世德家學其所由來遠矣

鮑太公象贊

就養無方服勤致死力決卜兆依依封樹寒暑不輟事
公孝子也故其象愉色婉容如慕如疑洞洞屬屬如弗

勝舍受敝出受瘡捐篋篋契券而不顧公弟弟也故其象怡怡退然常有以自下行有準繩言有區蓋公端人也故其象衣冠正瞻視尊有威有儀非其道義一介不取諸人公廉士也故其象神采秀徹如瑶林玉樹自是風塵表物治二戴禮爲制舉業古詞賦斐然成章公文儒也故其象白皙踈眉美鬚髯顛實而揚休子孫多賢上者賓禮焉下者師法焉優游以天年終公大老也故其象龍章鳳姿天質自然望而知其福德非常此猶季咸之視壺丘子耳其不誨不止太沖莫朕善畫者莫能圖吾何以觀之哉

鄧太公象贊

有序

湘源鄧太公爲茂才有聲以其業授三子而伯子擢科偕計吏太公遂謝博士籍讀書談道自娛其生平事親孝奉養侍疾送終承祭志物畢盡撫兄弟之子孤者如子腴產恣所取樂善好施所周濟貧乏甚衆犯而不校爲人解紛難而不任德有司鄉射禮爲大賓不赴伯子宦八年迎養不就旣擢南京太學師太公喜曰此

高皇帝肇基地願寓目焉操片艇來縱觀之詔伯子吾所經江山萬里又得舊都名勝足矣家有素業不可曠也有諸子孫不可失教也吾且歸伯子不能留而爲太

公寫照以寄白雲親舍之思其年踰七望八矯矯如壯夫同人屬余爲贊贊曰偉軀幹美髭鬚豐頤頰者福相也年且耄而財見二毛雙眸炯炯注射者壽相也儼若思瞿瞿若有求而弗得皇皇若有望而弗至者孝子之象也逢掖之衣解果之冠左結佩右設佩惰慢邪僻不設身體儒生之象也土木形骸天質自然無以已之焦焦受人之械械者逸民之象也綿綿若存豫若冬涉川猶若畏四隣專氣致柔若嬰兒泊若未兆乘乘若無所歸者至人之象也有象之象擬諸形容或得十半無象之象書不盡言言不盡意矣

大泌山房集

卷之一百二十五

贊

四四

虞伯醇象贊

秀麗靈明氣若虹霓者自星辰中來也瀟灑惠和意若沖舉者自神仙中來也清古溫良言根至理者自修行中來也吾以相人術按之寫照無所不合溧陽虞伯醇是也

汪仲淹象贊

目管四海神厲九霄文則虎繡辯則龍雕義則理窟智則儒臬禪則游戲道則逍遙仁厚振振德義囂囂風流自賞貧賤無驕陸沉大隱畏壘建杓威儀可象芳徽未

銷

周公美象贊

曙星爛爛其眸子注射也輕烟裊裊其踈髯飄颺也初日芙蓉其神采秀發也空谷芳蘭其風韻清遠也冥鴻野鶴其襟宇超邁也翠栢蒼松其丰標勁挺也鏤金錯繡其詞華鉅麗也此江東名士周公美之照也

張髯象贊

吳兒髮短鄭具尋約爾鬚如髮綢直若若吳三長鬣用詐勝楚爾口如心人樂與處華元于思弃甲而復爾曾出亡迺復邦族閔天繁密面無見膚爾則踈秀容婉色愉褚淵如戟無丈夫意爾實丈夫而何嫵媚裕也繞涿大沁山房集

卷之一百二十五

贊四十五

華也纏帛爾其喬耶同此標格行如毓會車中央高坐如謝瞻一客殊毛如朱子元奮而抵几如司馬直敬若神矣昔評爾詩以髯相喻今題爾象惟髯最著有舌三寸有喙三尺言爲繪繡聲爲金石我聞癡龍珠藏于鬚爾亦如是善畫莫圖

程短象贊

似臧紇而衣無狐裘似樓護而食無侯鯖似郭解而意無感槩似宗配而體無甲鱗似孟嘗而客無招致似蔡義而吏無持行山允不勝父顧譚不思君東方朔之嘲騶朱儒曰耕田力作不及人臨衆處官不治民從軍擊

虜不任兵此爾之定評何以畢此生賦詩飲酒醉則眠醒則吟夫夢爾者事不成後無名人所輕眇爾身安能致青雲無憂賤貧將隨鴻鵠一舉千里庶幾若西王母之巨靈

程于止書書評姝佳卽以評語爲其小象贊

骨氣洞達爽爽有神類蔡邕王謝家子弟奕奕有一種風氣類王僧虔河朔少年克悅類王子敬仙人嘯樹有疾閃飛動之勢類薄紹之飄風急舉鷺鳥乍飛類索靖得之心應之手象在其中矣

王明徵象贊

大泌山房集

卷之一百二十五

贊

四十六

汝善繪事象諸物宜胡不自象而倩人爲風流儒雅有象可儀宿世辭伯前身畫師君家摩詰疇克紹之爰采其語作汝贊辭

珠上人象贊

有序

珠上人吾楚安陸李氏子也父事佛從之入寺聞誦華嚴經者應觀法界性一切惟心造憮然有悟啓父出家遂祝髮爲里人月公弟子儀奉大法已游金陵師錫公十五年師問汝學以何爲宗對曰本性師曰汝本何性對曰性則不本師曰是非向上事可問吾同學幻休方主法少室承響而行一見輒問如何是向上事休曰五

乳峰頭月單傳殿內燈珠便禮拜一日聞舉石霜語有
省呈偈曰出門便是草寒林花發春歸早堪笑無足人
解計却把須彌橫踏倒休曰是得洞宗兼帶之旨囑曰
聲前一句妙叶潛通劫外真風幽微綿密此從上佛祖
授手之事汝善自護持凡四年歸金陵休復宣偈示之
歸至棲霞迹不入俗風才照灼志業清敏雖宿儒英達
莫不服其深致今年卒其徒以象索贊贊曰露頂者何
局坐賢首也丹唇者何禪悅滿口也香帔者何脫離塵
垢也塵尾者何欄柄在手也智度爲父菩薩爲母也慈
悲爲女法喜爲婦也泥牛木馬喝使嘶吼也螻蛄蚊子
眼睫窠臼也名須菩薩僧臘長久也象優曇華人世稀
有也知前世因卽今生受也生天成佛無先無後也毗
盧遮那真如不朽也阿堵傳神十得八九也

對... 善自護持... 凡四年歸金陵休復宣偈示之
歸至棲霞迹不入俗風才照灼志業清敏雖宿儒英達
莫不服其深致今年卒其徒以象索贊贊曰露頂者何
局坐賢首也丹唇者何禪悅滿口也香帔者何脫離塵
垢也塵尾者何欄柄在手也智度爲父菩薩爲母也慈
悲爲女法喜爲婦也泥牛木馬喝使嘶吼也螻蛄蚊子
眼睫窠臼也名須菩薩僧臘長久也象優曇華人世稀
有也知前世因卽今生受也生天成佛無先無後也毗
盧遮那真如不朽也阿堵傳神十得八九也

省呈偈曰出門便是草寒林花發春歸早堪笑無足人
解計却把須彌橫踏倒休曰是得洞宗兼帶之旨囑曰
聲前一句妙叶潛通劫外真風幽微綿密此從上佛祖
授手之事汝善自護持凡四年歸金陵休復宣偈示之
歸至棲霞迹不入俗風才照灼志業清敏雖宿儒英達
莫不服其深致今年卒其徒以象索贊贊曰露頂者何
局坐賢首也丹唇者何禪悅滿口也香帔者何脫離塵
垢也塵尾者何欄柄在手也智度爲父菩薩爲母也慈
悲爲女法喜爲婦也泥牛木馬喝使嘶吼也螻蛄蚊子
眼睫窠臼也名須菩薩僧臘長久也象優曇華人世稀
有也知前世因卽今生受也生天成佛無先無後也毗
盧遮那真如不朽也阿堵傳神十得八九也

周光祿象贊

溫若玉者其婉容也鎮若鼎者其定體也敦若樸者其古貌也立若山者其勅骨也伏若犀者其顛顛也文若虎者其揚眉也點若漆者其明眸也張若戟者其脩髯也扣若鐘者其吐屬也披若錦者其辭藻也行若雲者其致逸也舉若霞者其神儻也皎若冰者其清白也涵若淵者其深沉也浩若海者其受廣也曠若谷者其守冲也其在家爲孝子其在國爲良臣其在士爲嚴師其在民爲常伯也所可見者其象也廣象所不盡者其贊也贊者伊誰其執友也

大泌山房集

卷之一百二十五

贊

四八

張禮部象贊

黃鶴真仙鸚鵡才仙有慧業焉篤生後賢顛顛河目虛心實腹草成掌錄花夢毫蒨絳帳臯比爲邑學師爲國學師髦士攸宜司寇秋官宗伯春官舍香握蘭燕處榮觀道與之貌踐形惟肖傳神寫照如日有曜

穆內史象贊

粹然其容朗然其衷廩然其躬沉然其意矯然其氣超然其致官則內史人則才士親則孝子維魏大名克產豪英卓哉穆生

劉明府象贊

其鬚眉踈秀如其襟度爽豁也其眸子瞭然如其明哲
旁燭也其權準隆起如其風格高岸也其質幹清癯如
其操修介約也其容色愉惋如其衷憫慈惠也其膚理
密緻如其意思詳序也泐酌之雅曰豈弟君子民之父
母蓼蕭之雅曰樂只君子保艾而後宜其仕有與誦没
有象賢也

曾翁象贊

若肅然而懼摳衣而進正席而立其貌恭也若得而不
盈實而若虛過之如不及其襟冲也若自反而縮雖于
萬人必往其氣雄也若歌商頌聲滿天地若出金石其
色雖也若堂高九尺車嘗百乘任重而道遠其膚充也
狎甚則相簡莊甚則不親狎足以交歡莊足以成禮其
情中也布指知寸布手知尺舒肘知尋其明通也能勞
易事而不爭施猶醲與其用公也於人無所不信其謀
忠也驕大人常以浩浩是以眉壽其享豐也觀其外度
其衷因其子知其翁采前言往行擬諸形容丈人真子
輿苗裔耶狀不必童而知童知不必童而狀童

孫爾嘉象贊

精神注射膚革充盈骨力勁挺顏色和平詩書敦好琴
酒娛情古器爲寶大篆作程隱几忘我避地逃名宜爾

諧俗宜爾樂生

朱仲堅象贊

維木藏火東南其郭上未下本中則爲朱而世受姓而
產句吳委隨動躍性與生俱舉若桔槔轉若轆轤矯若
驚龍捷若飛菟鼎有叔液尊有師餘父乙有爵仲丁有
壺丹彝卣犖鐘磬敦孟剛卯威斗服匿罇于連城償璧
九曲穿珠琴取爨焦書識竒觚水行米船山行顧厨所
至成市所售成刃三秦三晉兩河兩都侯門帥府長揖
並驅履絲曳縞擊筑吹竽結五鹿客調酒家胡興盡而
返喪其故吾函櫺具劍韜金僕姑以炙輟輟作檝株拘
斃披白鶴中著小烏卧遊清舉坐隱宴娛醉醒猶狂戰
勝猶癯昔也漫郎今也潛夫

曹君象贊

謂君隱耶而緋衣犀比爲貴人容謂君仕耶而市井草
莽爲逸民蹤一命不齒于鄉而非貨殖素封于石不資
于官而非僮隸爲農于思若緣坡之修竹而黔若鐵幹
之喬松藹然若春肅然若冬穆然若沉思退然若闕逢
在列仙兮形癯豈之子兮面丰里則建杓家則起宗啟
佑後昆李房四龍誕受多福川至雲從人力不于此

蓋天之美所鍾

何无咎象贊

有序

余序无咎集以爲度越今人當於古人中求之頃視余
小象因擬古何氏故實爲之贊曰明目秀眉則子哲神
清膚清則子光容止出人則國禮其姿儀也機警則栖
鳳絕倫則長瑜皎皎則江陽其才雋也道術深明則邵
公畢覽群籍則子思內典皆通則子季其蘊藉也工文
則元靜含清濁中今古則仲言饒輕巧東海最多則子
朗其吟撰也獎善則君公所至親豪傑則伯求所交必
清名則儼望其延攬也散帶衡門交辟不就則幼道大
山小山東山則三高其栖逸也簡約率素則彥德風韻
淹雅則次道談理則平叔書品則穎孝其衆美也古何
人也今何人也謂今不如古請觀今何生

潘稚恭象贊蓋失二十許年而復得之

此君二十年前象也昔也東門之誓今也邑中之黔昔
也殷深源與我周旋久寧作我今也南郭子綦我喪我
昔也顏不疑伐巧今也董梧鋤色昔也南海儵忽今也
中央混沌夫三年而得夫子一盼五年而解顏七年而
並席九年而不覺形之所倚十五年而養正命娛耳目
又十五年而齋心服形二十年而若欺魄不可接四十
年而國君卿大夫視之猶衆庶向謂古人虛語今于君

見之矣

許世範象贊

婉愉其色和易其衷昂藏其骨修飾其躬鬢鬢微鬚炯
炯雙瞳郅視文有才人之致門如市有隱士之風不借
交爲俠不踰閑爲通守數太倉公經法涪水翁十全食
爲上三世術自鴻婦人女子知名造化小兒分功是德
能仁恕博愛宜爾子孫福祿同

石磬贊

有序

河南安國寺傳自唐高祖武德七年有石磬仆地久矣
吳人張偉起視上有安國禪寺石磬六字爲之縣其色

大泌山房集

卷之百十五

贊五十一

似靈壁其形大五尺有奇其聲清越遠聞按爾雅大磬
謂之磬考工記所載倨句股博三禮圖所載編磬之類
長不過二尺餘古磬或用玉玉故不能大或用金以聲
名雷以形名琥長亦不足二尺今大如是豈佛門健椎
與雅樂不同耶始興記石室有縣石聲如磬響十餘里
空谷傳聲非在編縣拾遺記浮瀛清石可爲磬長一丈
而輕若鴻毛子牟語不足信山海經鳥危小華山陰陽
有磬石未見采用洛陽伽藍記佛像黃金之屬掘地
而出與石出井者頗衆此磬以唐時物不入記而諸比
丘及四方人曾不寶重至今甫顯物之遇合亦有時乎

贊曰鼓非臨平大小叩之而皆鳴象非昆明無風雨而
若吼鯨言非魏榆必待其人而有聲聽之罄罄然立辨
視之落然無情霹靂不作礮滅泗濱不入貢行似金
不淨似玉不輕西不爲頌東不爲笙不隨灰劫不借煉
成中邊如一不虧不盈潛見何常不滅不生信哉石託
立法也能使聾俗知驚佛相惟梵音相雕不得吾強爲
汝名曰淨名

不歸來樂我

十必山房集

卷之一百二十五

五十三

不歸來樂我

今足二尺今人

立哉也謂刺鑿谷味驚熱昧卦梵音昧顯不
劫中靈收一不淨不盈潛見何常不滅不生信哉石託
不淨似玉不輕西不爲頌東不爲笙不隨灰劫不借煉
成中邊如一不虧不盈潛見何常不滅不生信哉石託
贊曰鼓非臨平大小叩之而皆鳴象非昆明無風雨而

汪次公像讚

彼丈夫兮美鬣髮有命自天命巫祇維爾王父格上玄
釐以孫子世曼延如月有弟如兄然誕降不遲亦不先
以就口食力捲捲無垠心計桑與研灌輸百貨如流泉
雜珮陸離衣芊眠乘堅策肥食擊鮮醉臥青樓錦瑟筵
千純之繡奉副編彈碁博簏般遊田新安國人以環
一足夔憐百足蚘胡不歸來樂我員伊吾風雅習豆邊
圓規方萬周折旋虎行競競威以處里中祭酒士表旃
少年盤辟不敢前雖則姁行無好專山藪藏疾海納川
門下食客日三千費詘不責子家錢片言居間解拘攣

大泌山房集

卷之百二十五

像讚 五十四

逡巡母搯有司權昔時任俠原巨先回車高蹈魯仲連
我交仲子雅象賢貌君丘壑氣凌爐儒衣儒冠坐華巔
下拜三歎神若傳我歌且頌青瑤鐫

蘇麻對鞞永芊邛乘望策明食望輪酒烟青對離瑟
以掠口貪心耕耕無財心指桑與研灌輸百貨如流泉
蠶以絲千世曼延如月有弟如兄然誕降不遲亦不先
斯丈夫兮美鬣髮有命自天命巫祇維爾王父格上玄

王次公像讚

